



ル 5  
3283  
7





門九5  
3283  
卷7

靖江縣志卷十四

人物志

儒學

元

丁珉字汝琳端方坦易爲一鄉之表得其品藻者咸以爲榮甚有甘爲刑罰所加恐爲丁君所短者著有滄洲佳

明

朱景字明通洪武時以才德薦授秦府紀善陞長史

靖江縣志

卷十四 儒學

昭和十八年  
八月十八日



文皇繼統召入朝乞骸歸田御書資善堂及白金寶鈔賜之著有雪江集

陶廷威宏治六年進士授南京戶部主事本姓屈名震廷威其字也少孤鞠於舅氏陶祺遂蒙其姓復宗恐傷舅氏心因避之久而後復焉爲人和易質樸與之處如其家人骨肉居江陰縣志列侯定鄉賢傳弟霖字天澤仍其宗姓登成化丁未進士先廷威兩科授刑部主事陞郎中居法曹十年獄無寃滯卒於官後學稱爲古愚先生

朱得之字本思居城西七里長安園以歲貢官桐廬縣丞尋掛冠歸少負大志聞王文成公良知之說心契之遂往受學文成公嘗以入道最勇可與任重致遠稱之大抵得之之學體虛靜宗自然最得力處在立志之真自起居食息一言一動皆以真心檢點其間雖幽獨無少懈教人亦以立志爲先至其脫父於難事最烈與經紀文成公之喪在及門中尤爲篤摯某年郡城大旱太守夜夢城隍神語明日南門外有眇一目書生可請祈雨清晨遇



得之狀貌與神語符以祈雨請得之登臺講中庸  
第一章講將畢而雨立降郡人稱之曰朱中庸嘗  
修靖江邑志爲文獻資著述詳藝文志郡邑志俱  
列理學祀毘陵先賢祠弟庶之歲貢生東陽縣丞  
亦以學行稱子正中吏員盤石衛知事正定歲貢  
生常熟訓導陞通山教諭從子正初

正初字在明援例仕鴻臚署丞意落落不治生產好  
古玩多蓄法帖名畫及漢晉間彝器性尤愛客關  
園亭臺榭選聲命酒日揮千緡海內名流無不知

有正初者能詩書法亦道俊與王世貞兄弟李維  
楨諸公往來酬和詩卷成帙嘗偕王穉登同修馬  
沙小志餘著作詳藝文志

陳善字德先爲諸生時性抗直慷慨以言賈禍遂棄  
家游武夷匡廬諸山談出世之業後歸曰杜門坐  
卧一小樓著書自娛蘭溪趙師相徵之不就以明  
時宏景四字貽之甘直指旌其高行不羣劉中丞  
稱其精於性命之學殆有道而隱者生平好善疾  
惡喜援引後進閩門肅然兄弟不別業著有各種



書詳藝文志太倉王世貞爲之序

朱大柏字冲然吏部左侍郎容之裔孫少攻書史由國學生授潮陽主簿陞南安衛經歷爲人端謹寡言笑性不佞佛九與賓筵爲邑人所欽服年九十有九卒

朱大中字時甫邑諸生性落拓不事生產讀書多獨見以先世業農解藏書鬻產至蘇州購異書數千卷無不披覽以不得志於有司去爲汗漫遊晚從王文成公高足講良知之學欣然有得賦詩多見

道語子四俱各有傳

朱家棟字伯隆大中長子少承庭訓長於古文詩歌邑中金石碑版大文字多出其手七試棘闈未售以歲貢授常熟訓導轉甯州學正陞鎮江府教授所至獎拔皆名士性落拓與人交洞見肺腑遇貧窶輒周之歸田後家愈落終不言治生事與子弟談說經術亶亶不倦子士龍士蛟士虬各有傳朱家模字端叔大中第四子以廩生入國學幼讀書不善記誦父因使持門戶事乃憤志取藏書晝夜



讀之一年卽游庠省試落乙榜工古文詞晚精堪  
輿家言貧而喜結客善爲人排難解紛有魯仲連  
風

周萃峰逸其名邑諸生有師模無錫顧端文公幼時  
從萃峰游一日坐偶歆萃峰命其正坐歆如故萃  
峰乃自起正之厥後端文主講東林書院爲世大  
儒蓋養正自萃峰始

吳琛字文玉邑廩生以學行著從游者甚眾動與古  
人期落落多大節學者稱爲海門先生

嚴啟禎字端先邗庠生博覽羣書詩歌古文悉取哉  
西京魏晉以下不屑也爲人迂僻傲岸不可一世  
人亦以此忌之

姚慎思字元睿邑增生家貧力學所居數椽風雨不  
蔽讀書晏如性侃直不善俯仰因此不爲時俗所  
喜試有司又輒不利以奇窮卒

朱汶字文魯早歲擅文名年十四遊庠十五食餼隆  
慶元年恩貢廷試第一授上林苑署丞多所釐剔  
中貴勿敢撓也爲諸生時受知於邑令爲縣省無



名之祿六百石人多德之孫宗伯繼臯志其墓

祁震字時鳴由歲貢官青田縣主簿二年掛冠歸囊

無長物以詩文自娛性曠達對親朋知交了無邊

幅子姓環侍肅若朝典生平好飲酒醉則經邱尋

壑四顧江天灑然世外

朱炤以歲貢官膠州同知三年乞歸惟挾一故竹笥

中儲敝衣而已恬淡安義命跡不踐非禮致仕後

家益落仍授徒自給有弟仲若季季天不以已子

後而以仲之子後曰吾子二而仲之子三也生平

無疾言遽色人亦不忍忤之

朱應魁字元之以歲貢官餘姚縣丞性樸直不慕勢

要嘗謁上官上官以所知諷之魁傲然不應上官

慚恨因解組歸

陳訥字可仁以歲貢官常山主簿有徽商假桑梓名

持金求謁訥婉謝之去二年乞歸蕭然一橐

黃學成字伯誠邑廩生姿性高徹振筆千言立就好

獨行已見不隨俗低昂然見人有善稱之不啻口

出惜中道卒未竟其志



北洋州志 卷十四 六  
陳學禮字汝立邑廩生繩趨矩步言笑不苟雖晏處  
肅然臨貢卒

黃卷字文萃由歲貢官金山衛學訓導陞湖廣雲夢  
縣知縣初在金山與衛弁爭謁廟禮學使者壯之  
著爲令蒞雲夢甫二載以強項與豪紳不合遂告  
歸常偕二三黃髮爲香山社天啟六年大祲民逃  
死相繼卷憫之苦囊無餘金急以所置杉木板質  
銀五十兩首倡助捐由是邑令請之上臺各發捐  
銀全活無算卷爲諸生時以文章受知於督學熊

忠烈公公性簡傲喜慢罵人嘗任總制出使過雲  
夢遇卷有加禮孫綸另有傳

尹嘉賓字孔昭善酒工詩文落落不事生產萬曆己  
酉鄉試歸自負必第一渡江與同社飲君山薄暮  
聞江上鼓吹走問曰報元乎曰然尹姓乎曰然然  
則同我歸耳一時傳爲佳話庚戌聯捷成進士授  
中書舍人擢職方司員外郎奉詔募兵山東就地  
簡閱數旬而辦遷湖廣僉事尋視學湖南杜絕請  
託務得真士其所識拔者相率捷去幕中不挈一



客手自繙閱日夜不休竟以勞勩卒歷官十年不改寒素之風鄉人重之

劉自學以恩貢官湖廣辰州府經歷當爲諸生時名籍甚試輒冠軍爲人修謹不妄交接在辰鬱鬱不得志未幾拂衣歸杜門以內典自娛卽所親罕見其面

陸可輔字良弼以歲貢官蘇州府學訓導性孤介屢空晏如不事生產歿之日囊無一金吳門諸名士爲經紀其喪子某亦以文行稱惜早夭無嗣

朱大棐援例仕光祿寺監事性端謹事親孝與人利讀書手不釋卷治家一遵古禮時人咸矜式之鞠懋祺字泰徵爲人貌樸氣凝恬淡寡欲爲諸生非課試不庭見官長惟以授經爲業里人重其品鄉飲特舉介賓

沈慎餘字謹德由諸生列選職員襟期閑散善酒喜談論讀書至老不衰

國朝

劉熙學字乾之邑諸生姿學絕人以數奇困於棘闈



晚年新宗祠輯家乘敦倫睦族人欽其德三舉鄉飲大賓邑人蕭松齡嘗爲之傳以子疇官建安知縣封如其官長子疇三子舒各有傳次子懌

懌字愷持邑增生天性孝友敏於學博通經史發而爲文有賈董醇茂之風詩法三唐著有闡遊集行世子錫曾另有傳

侯溥字公叔前明崇禎己卯舉人邑令陳忠節公分校所得士也嘗稱之曰此我之城門監侯生後當不負我或勸之仕笑而不答築別墅於城北布衣

蔬食以孝廉終爲人沈毅不撓外極和厚交道歷久愈篤族黨中貧不能自存者輒有以調恤之終無德色著有麟瑞堂集卒年七十同年蕭松齡銘其墓子模另有傳

朱廷楫字爾庸立志以聖賢爲師其學專尚實行不徒以文章名家生平事親孝臨財廉範身極嚴終其身不與輕薄子游處明季詔舉賢良方正周侯吉以廷楫應詔輿論翕然稱之竟不就

蕭松齡字公木號亦人前明崇禎己卯科由拔貢舉



於鄉爲令長陳忠節公所器重與修邑志文名日以遠鼎革時闕半餘園於東江之濱幽居以待老母竊念得如陶淵明隱於農圃不爲異代之臣歿後以徵士稱於願足矣未幾以寃繫淮陰獄吳撫軍廉得其情謂舉子久停禮部試又不赴選班恐終難間執讒慝之口乃以出山爲松齡勸事得白釋之逾數年遭母喪家益落及爲兒女畢婚嫁遂有終老之意奈以流俗多疑謗迴憶吳撫軍堂上語思欲爲故國遺民而不可得因謁選得沛縣教

諭署縣事兩月理寃獄清漕弊沛人德之調建平九年所識拔多寒士題詩敬亭間足繼元暉太白諸作衛直指重其學行疏授國子監學正五年解組歸重修半餘園改名亦園日與諸友人暨弟子觴詠其中其爲文曲折疎古邑中碑記誌銘多出其手鄭侯重令靖十餘年迎之賓筵者再修邑志成必得松齡筆削始付梓松齡富於詩文冠以鄭侯之序其目詳藝文志卒年七十有二鄭侯銘其墓弟桂齡字圭木邑諸生文行與兄相上下子因



固俱邑諸生能哀輯父書亦有文名孫子夔邑諸

生

宣城施侍講閏章送蕭學博序牧城介大江南北  
 稱晉陵外藩孤山列其東登高橫眺烟濤竹樹窈  
 而深秀予游辰所至徘徊眷歎久之既而晤亦翁  
 與語奇之亦翁晉賢書二十年憾軻不得志起為  
 文學掾於偏陽之里逾歲改郎川郎川山礮與蔚  
 民人挾機智健訟當事懲佻達過當訟多不直士  
 士氣日挫傷不能振翁至而痛之曰鼠則有牙雀  
 則有角民之垂垂於何歸曲當事不吾直行自直  
 也不力爭而心競則直於是準撫古昔取其要與  
 諸生約而月三督課之行貴其能恕毋足已而微  
 人文慎其所出毋勦說而雷同有典有則以風以  
 雅行之期年士皆蒸蒸型仁講讓以自別於凡民  
 民復知士之為貴爭訟之習因稍息翁自試博士  
 七年不得調有嘲之者翁乃心獨自喜邑多佳礮

泉久而復興得徧游方聞該博鴻筆麗藻之彥之  
 在其地者久與之習詩歌晨夕我心則夷諸少年  
 英粹善綴文之士得為一日長鉛黃而甲乙之高  
 節獨行貞夫慙女俠游此遞禪棲羽化者流稗官  
 野史軼事遺文或信或疑或傳或不傳者久而得  
 撫採撰次為一書傳諸其人翁所得於郎川者蓋  
 多不測何害七年翁猶恨其少也邑再經兵燹  
 庶廟祠宇大圯壞不支臆免巢庭蒿茨沒柱朔望  
 拜瓦礫中禮畢東西歎息去而已莫為任修葺者  
 翁廟見後惻然肩其任經營卒瘞夙夜不遑歷五  
 年垂成予讀其募助諸書疏剴切慄動感而起立  
 乃更以此開釁註誤上聞雖當事援肆赦之文廷  
 平挾失入之網幸免罪戾於經營夙夜之初心亦  
 少創焉翁曾不芥蒂丹蘄施與祭器書籍備與敬  
 一之亭尊經之閣閣之而亭之與功垂成而未成  
 鬱陶乎予心翁之憂方始耳翁博學而孱守之已  
 善亦樂人之善已能亦樂人之能寡欲易給足不  
 汲汲於富貴所著古文詞蠲濁流清不苛為俗下



文阿匱取媚西齋竹數十竿日哦吟其側客至不  
 為容匡床坐語聽去留適情飲客以四豆主賓閒  
 閒甚自得也極所惡者于謁客或言及此輒掉頭  
 起謝客爾何曾比予於是南湖千頃波不足蕩吾  
 耳矣嘗自恨北門摧謫口腹累諸生歲時餽遺執  
 贄之禮不能一切從拒絕明吾淡泊居嘗邑邑菟  
 裘退老之思時形於言面吁嗟亦翁小明悔仕簡  
 兮玩世世皆濁而歎其醜沈默作免道固委蛇翁  
 備官而未之聞耶翁今以直指使者薦有不次之  
 擢非其好也其同寅洪君書田屬予序而餞之予  
 知翁有素者爰為贊言  
 其生平以復之書田

朱家棻字元圃邑增生大中第三子少有雋才博學  
 嗜古經史之餘諸子百家無不淹貫為文援筆立  
 就接引後學惟恐不及性謹厚不輕議人短長澹

於仕進中歲喜為詩歌諸體皆備藏書數千卷至

耄披閱不倦邑中仰為更老子士瑛字其玉邑廩

生嘗議請廣學額設版籍士民德之

朱澂字泳思明末吏科給事中士鯤長子少承庭訓

工詩文舉崇禎壬午鄉試痛父母及弟澆粵西之

難無出山志性狷介不入公府以誠信待友朋遇

人有善則津津樂道之嘗大會邑中年少啟迪甚

多著有碕庵稿其詩凄惋沈痛又輯其家數世之

詩以為詩系異曲同工各盡其妙邑人朱鳳台為



作傳子三俱邑諸生孫典登康熙丁酉副榜

陸璿字緯台少工詩文順治辛卯壬辰聯捷成進士授江西臨江府推官刻其奚囊所積名曰伊蔚堂集蓋繼蓼莪之詩而作也數年遷山東冠縣知縣日從事於小灘擁簿書理漕贖雖戴星之瘁弗辭公餘嘗作東山詩歿後仲子鑄請叙於蔣中和中和乃歷舉其生平叙之曰折腰如靖節弔古如長沙慟哭如步兵詼諧如曼倩大抵拙於宦嗇於遇以胸中無窮傀儡而悉寄託於詩如是則陸子之

詩可謂窮而後工也其書法又力追晉唐惜遺墨不多比諸吉光片羽云

陸澳字斐君邑諸生長軀修髯洪聲偉辯卓卓有丈夫氣嘗發憤肆力於秦漢唐宋諸家能爲古人之文屢試秋闈不售復以奏銷案罷諸生澳則夷然衣布袍落拓步街衢如故其親知故舊或以睚眦之忿來告爲之排難解紛有魯仲連風朱明經潞與澳三世通家交誼尤篤澳臨歿時有白衣偉人踉蹌匍匐而來甫入門號眺崩仆羣兒驚抱諦視



之乃知爲朱子也邑人蔣中和亦不勝餘悲作陸  
秀才傳

徐汝鉉字元節邑增生幼穎異絕倫博涉羣書爲文章自成一家七試棘闈未售天性孝友待人冲融謙退終其身未嘗有睚眦之怨次子時浚四世孫家龍

時浚字仲宣幼有神童之號汎覽經史過目不忘弱冠舉順治庚子鄉試康熙三年 詔以策論取士時浚著經濟彙編典博中又極精詳足備科場

條對嘗與朱明經潞羊孝廉球朱駕部鳳台結爲吟社並以墨筆畫山水工筆畫花鳥俱有生氣家龍字霞起幼而聰慧繼乃祖神童之號未冠補諸生登雍正乙卯拔萃科卽以是年舉於鄉乾隆丁巳中明通榜授江都教諭攝寶應學事所至造就頗眾時宜興儲六雅先生主講安定書院晨夕過從尊酒論文甚相欵洽歸里後卒年九十子應春歲貢生應鳴邑增生諸孫多列膠庠

劉應竣字松樊弱冠補諸生長於詩古文詞邑諭徐



公籀目爲異才尋以通賊事被褫家益貧時徐公  
遷黃岡令招至幕中多懷古唱和之詩先世有秋  
水軒戲魚墩諸勝嘗與朱明經潞兄弟游詠其間  
幼卽篤孝菽水承父母歡於諸弟竭其友愛終以  
哭弟成痼疾其事寡姊撫孤甥有能人之所難能  
者病中教兒輩讀書猶不令持門戶間其下帷之  
業卒年四十有八子六長孟曉字喬仙承庭訓力  
學不倦舉康熙甲子鄉試第二性孝友設家塾課  
諸子弟極嚴文行皆有可稱者餘世美儒岐漪仁

及孫震南俱名諸生曾孫三枚

三枚原名求定字我惟雍正己酉拔貢壬子順天副  
榜肄業國子監聞父訃音匍匐奔喪服闋舉乾隆  
戊午順天鄉試由教習授巢縣教諭奉母抵任三  
枚善屬文金壇王編修步青邑人鄭太守忬嘗稱  
嘆之及在巢教諸子矜講學課藝無稍倦譽望日  
隆丁內艱歸村居十餘年卒

羊球字月生前明棗陽知縣世澤之弟舉康熙乙卯  
鄉試及授涇縣教諭年已七十矣勤於課士士之



負儁才而乏膏火者每分苜蓿資之在涇四載以疾歸諸生餞送者甚眾家無儋石儲常獨吟咏於古梅樹間翛然絕俗卒年八十有二單侯疇書以楮帛一束擬生芻之奠哭之曰羊君死吾無友矣同年孫尙書岳頌嘗爲之傳

朱去疑字子言邑諸生前明吏部侍郎容之裔孫家故貧環堵蕭然獨以嘯歌自適每值桃李開時往來於鶴汀鳧渚之間欣然如有所得生平著述甚富惜爲風潮漂去其目詳藝文志

劉維字四有敦品行慎名節博學工文以廩膳生終其身儒風足爲闔邑矜式有子八人金聲字振玉少失恃善承父志力學不倦舉康熙甲子鄉試癸未成進士孝友文章見稱於鄉黨間金書字承起由歲貢官蒙城訓導整飭士習培植人材皆得蘇湖遺意金章乙酉舉於鄉餘皆名諸生

朱基慶字克裕號耐菴登康熙壬午鄉薦遠於經術江邑延聘爲師僑居十餘年教人爲文必本史漢八家曰於此不得力則時文終無入手處註講義



彙諸說而折衷之詞義簡括凡請業者告之必盡其誠尤以品行相砥礪及選吳江學博如李重華陳光曾周日藻顧我錡輩皆其所拂拭也

劉鎬字西京邑諸生以佳長子幼聰慧博綜書史工詩文自成一家言所著有西京外篇季弟正銚字智生邑諸生夙有雋才貫通經義前明邑侯陳忠節奇之晚好程朱之學杜門守正以終

馬玉字崑生歲貢生官直隸通州學訓導會學宮傾圮捐俸金爲紳士倡擇諸生之方正者董匠事工竣餘三百金置市廛而徵其租以作歲修費嘗語人曰俗好崇佛教每有寺觀募修不惜解囊施舍况吾輩爲聖人守宮牆反不如佞佛之流乎人皆以爲名言後調平涼府經歷

陸宏字子大砥文勵行尤工詞賦郡人金處士做邑人朱駕部鳳台每稱之

盛度字維貞前明善人恩之裔也家世謹厚好義不倦諸父皆有聲於庠昆弟或以歲薦或以鄉舉度濡染家學何義門先生素推重之爲人極率直處



世謙和時稱長者舉康熙癸酉鄉試第一庚辰成  
進士改庶常未幾引疾歸杜門講學以終

鄭洽字修齡邑諸生先世遷自浙之浦江代有隱德  
父元昇爲名諸生早卒母朱氏以守節彙列總坊  
洽文章高古不與俗伍鄭侯重歎服其才入都與  
名公卿締交設帳多從游士前任江蘇巡撫張楷  
其高弟也屢試棘闈不售時論惜之以孫毓善貴  
顯 馳贈如其官子梁孫毓善五世孫錫琪六世  
孫汝昌

梁字石耀邑諸生承籍家學工於文詞督學許公汝  
霖所激賞士也生平於六書八體無不究其原委  
真行則宗晉唐俗目未甚秘惜嘗遍歷名山大川  
造詣益進諸貴人延至官閣烟雲落紙觀者驚奇  
酬潤累千金歸以孝養厥母又喜作詩格律出入  
三唐惜稿逸無傳以子毓善及孫忬貴疊膺 榮  
封從弟懋字次衡少有文名舉康熙丙子鄉試第  
二宜興儲孝廉欣嘗稱嘆之

江蘇巡撫張楷送鄭石耀先生序石耀先生余先  
師文水先生長公也家傳素業騁志書林少奉庭



韓早聞嚴訓既而行成名立歷覽山川博觀人物  
 足跡所至諸名人爭客之得其片紙隻字如獲異  
 寶尚書時庵許公延至家塾令長孫炯受枕中秘  
 訣相得歡甚蓋石臞係許公昔年視學江蘇所拔  
 佳士也一經品題聲價愈高由是購其墨蹟者饋  
 遺不絕錦囊中累至千金歸而奉侍太夫人竭色  
 養之樂及太夫人以壽終凡一切殯葬之事悉身  
 任之不與諸弟謀也游歷二十餘年聞益多見益  
 富腕益奇師其所傳或得諸深山之野客湖海之  
 畸人桑林之老衲更得之枕上之夢神殆自蒼頡  
 制字而後篆隸八分靡不精究其旨歸心知其妙  
 諦而問奇晰異載質而來者指不勝屈其到處留  
 題皆別出手眼余於公餘之暇晴窗雪月每一展  
 玩未嘗不拍案叫絕嘖嘖呼為墨寶也然此特先  
 生糟粕餘事耳其胸中所蘊有不與俗人道者惟  
 余知之最稔歲在甲辰夏四月自西洽同舟由姑  
 蘇至毘陵握手道別將歸草堂惜不揣固陋  
 而屬藁以贈之自愧猶未能道揚於萬一云

毓善原名一鵬字鼎九生而雋異博學工文章尤好  
 引掖後進居鄉尚氣節敦行誼困諸生者二十餘  
 年入都寄滄州商竈籍游庠順天督學某公訪知  
 為江南名宿聘之幕中相與商確衡文有得士聲  
 舉雍正壬子順天鄉試乾隆丙辰成進士改翰林  
 院庶吉士嘗與輦下士酌茗論文戶外之屢常滿  
 其有揣摩毓善之文先後掇巍科者甚眾初同鄉  
 王君太岳生長於京師從游在弟子列毓善以大  
 器稱之歿後數年太岳由直隸定興縣籍登壬戌



進士授翰林院檢討歷官至雲南巡撫其知人之鑒如此所著四書大成集闡發多精義又有性理提綱謂太極之外無理陰陽之外無氣五行之外無物五常之外無性是眞深於宋儒之學者第一鸚邑諸生能文善書以子忬任儀曹膺 榮封一鵬亦名諸生

錫琪原名鉅字仲儒父忬登乾隆戊辰會試第一由庶常歷官湖南永州永順府知府事載宦績志錫琪幼聰穎爲大父一鵬所鍾愛四歲手鈔爾雅課

之六歲就外傳孝經爾雅已卒讀八歲遭大父喪哀毀如成人年十八父卒於秋曹任一慟而絕翌日始甦見者感涕偕兄扶柩歸勵志下帷每夜讀至三鼓不輟乾隆己酉登拔萃科舉乙卯順天鄉試嘉慶辛酉科 賜進士出身改翰林院庶吉士壬戌授戶部主事當散館日得怔忡疾心蕩移時始定然猶竭力供職無稍懈庚午歲疾益不支請急歸里沉綿床篋逾二十年病中口授諸子成尙書疏證闕謬八卷又積成紀事詩若干卷其言皆



有可傳泰興陳觀察啟文爲之銘於墓曰嗇其遇  
豐其文蓋定論也兄錫雅邑諸生弟錫佑國學生  
以子汝驥 馳贈太醫院吏目鈞邑增生

汝昌字襄卿生而聰穎於書無所不讀作爲詩古文  
詞倚馬可待人皆以奇才目之舉嘉慶戊辰鄉試  
丁丑大挑二等授安徽貴池訓導值貴池邑志續  
修汝昌嘗爲協纂文獻多所訂正有某令試富家  
子冠軍公堂匾額被毀郡守疑諸廩生指使怒令  
掌其頰以詳題聞賴汝昌謁督學汪公守和爲之

辨冤咨於鄧巡撫廷楨坐一童子罪釋諸廩生每  
歲寄俸銀奉父錫琪甘旨得以無缺丁外艱歸主  
講邑之正誼書院服闋授泰興教諭卒於任爲人  
好獎掖後進文教賴以主持遊其門者前後千餘  
人弟汝諧汝英俱邑諸生汝英另有傳從弟翊庚  
辰進士子庭榮恩貢生工詩能書孫光祖邑諸生  
楊楫字君濟邑諸生少孤事母以孝聞兄克生有才  
畧不治生產家益落楫敬愛無稍衰遭兄建侯喪  
殯殮皆出其手人益重之生平潛心理學究濂洛



關閩之傳金處士敞嘗曰吾閩人多矣未有學問  
精深品行高峻如楊君者無錫顧培謙講學於靖  
嘗爲之像贊焉以孫超貴 馳贈如其官子光輔  
從子光斗從孫坦方濬

光輔字蘭九幼聰穎過目成誦爲諸生早饒於庠省  
試數及格終不獲雋平日教授生徒造就甚眾嘗  
倡修城東諸橋梁行者便之子六小陵小瑾小起  
小赤小韓小彭俱有才名小赤更名超以其令西  
充牧瀘州先後 贈如其官超另有傳

光斗字雯燮生有別趣雅好詩賦不屑屑於舉子業  
善騎射常思効力邊陲慕衛霍之功勳中康熙辛  
酉武舉以親老家居及父卒作號天賦爲文士所  
激賞又工軒岐之術有延之者雖天雨泥濘亦必  
扶杖躡屐而往

坦字嵩臣文行卓著不專爲舉子業與從弟方濬及  
黃呂聲創書院於秦家橋時江蘇巡撫張清恪公  
以三人選入紫陽書院肄業並名其所建書院曰  
東川蓋取韓子障百川而東之意也院之聯額皆



張公手書復給程朱理學書三十部常郡之士聞風而至者甚多

方濬字用嘉幼承父光斗庭訓積學勵行亦不專工舉子業與從兄坦及黃呂聲創建東川書院乾隆戊辰督學尹公會一廉知楊黃三君子行實令設位院中以風後學著有靖江藏志文獻之所資也黃呂聲字省齋生平踐履篤實嘗捐地三畝與楊坦及其從弟方濬構屋爲東川書院同志如鄭熊輩每朔望質疑辨難於其中足繼鹿洞鵝湖之數

褚峻字嵩若歲貢生居康莊橋理學深有所得會講於東川書院其所作碑記自稱七十有六老人劉以傳字逸羣居東閘口舉康熙辛卯鄉試敦尙行誼不慕仕進設帳授生徒遊其門者皆砥礪文行有聲於時治家嚴整訓子有義方後人列膠庠不絕

劉廷欽字被表歲貢生候選訓導明經以璠子幼承庭訓博涉羣書工舉子業入闈十數次屢薦不售而名藉甚多士咸就正焉年逾七旬猶耽書弗倦



所著有多聞集

張堂字宏文邑諸生以學行稱從游之士甚眾舒侯香延爲本邑驥騰書院山長主講者六年未嘗有所私請人益高之

盛元鯉字瀛飛邑廩生行詣端方楊侯應爽重其爲人修式廬之敬延爲本邑驥騰書院山長受業不下百人子世盟歲貢生孫曾俱有聲庠序

徐震孝字薦修律身以正然謹不苟學師每舉優行生員必以震孝爲先棘闈屢薦不售以歲貢授財

貽訓導歸田後別闢園林嘯歌自得老年猶好學不倦

瞿義正字廣宜孝子德茂之孫生有雋才弱冠補弟子員隨餼於庠嘗流寓揚州左公界闈延爲西席與徐壇長輩相往還講學論文不輟省試皆報罷未嘗介懷遠近從遊者甚眾

瞿時雍字宣木與義正爲昆季行同出寓公介福後幼穎異爲文輒傾其曹壯年始補諸生隨餼於庠讀書無間寒暑至耄精神不倦士林以耄碩推之



弟升字東嶧邑廩生工詩文書法亦擅長

陳毅字鳳噦邑諸生少負經濟才通達時務入都交游多名下士滿洲鍾公音未遇時嘗延毅教其諸子及爲浙閩總督毅客於幕府章奏皆出其手遇有疑難事鍾公或執已見毅據理力爭謂必如是乃可以稱旨驛遞後鍾公机杼不自安命下果如所奏允行摺凡數十上未嘗有干廷議鍾公禮遇益恭歸里數年卒後裔列庠序者甚眾

順天旭居東鄉永慶團幼聰慧日記年十七補

弟子貞等入國學應順天鄉試卽歸里構半笠亭讀書其中自號半笠居士凡遇經史疑議手自錄出考據務求其實以子天駿令淑浦贈如其官天駿另有傳

劉方灝字景山邑增生建安知縣疇之孫父若金邑廩生有聲於庠方灝沈酣經傳下逮兩漢八家之文經其手錄丹鉛者十之六七兄方法弟方沛先後舉孝廉方灝獨數奇不遇列膠庠者六十載困



棘闈者十八科寒瓊終老從游多知名士時人以  
金壇王墻東宜興儲在陞比之熊侯琫慕其名遇  
疑義必就之折衷然性最耿介未嘗一入官署卒  
年八十有四孫人鯤從孫人鶴

人鯤字魚門交河知縣方滋之孫嗣其從父枝玉爲  
方灝嗣孫少受庭訓工詩古文詞應童試時見器  
於朱侯洛臣旣食餼名益著執經之士日眾復入  
都設帳授徒嘗有讀人鯤文獲揣摩之益遂雋秋  
闈者人鯤乃久困場屋僅以恩貢終以子重官安

徽穎州教授 封如其官重另有傳

人鶴字立羣少貧與兄人鯤互相砥礪補諸生援例  
入國子監應順天鄉試房薦挑取膳錄由議叙選  
雲南晉甯州吏目抵任謁方伯揖而坐坐而退某  
監司先在座問來謁者爲誰方伯晒之曰此雲南  
狂吏目也後以言事忤江撫軍黜其官流寓南天  
欲歸不得會雲貴總督柏公麟莅任爲昔年成均  
舊友詢知罷官顛末延之主講昆池書院語僚屬  
曰此江南老名士也時江撫軍尙在滇待人鶴亦



有加禮逾數年柏公以千金贈始得歸

陳方濤字晉賢弱冠補諸生尋餼於庠苦志下帷寒暑無間胡學博玉成以大器目之與朱一開張鶴起有西沙三傑之稱設家塾以授生徒出其門者多知名士棘闈屢薦不售以歲貢終爲人恂恂寡言未嘗與戶外事所撰二十一史文鈔諸子百家讀本臨歿時遺命火之僅存其目

朱一開字爾慎幼穎異日記千言弱冠補諸生試輒冠其首偶食餼後援例入國子監每課必居前列

陸祭酒宗楷深器之無何鄉試俱報罷困北闈者六黜南闈者九其志猶不少挫卒年七十有八生平早起晏息手不釋卷爲人謹飭端雅然諾不苟一時從遊之士文行皆有可稱子苟歲貢生年八十有二道光辛卯 恩科 欽賜舉人次芬邑諸生

吳珊字荆南弱冠游庠試輒冠其曹爲文尙古質不落時蹊尤喜作詩才名與沈公建梧相伯仲食餼後嘗以无妄之災困於訟之上九偶遊江陰君山



之麓觀梅有感題二絕句於黃泥庵壁督學李公  
因培見而器之復其衣頂生平性高潔手不名錢  
家益貧至無一椽以蔽風雨試南北闈不售以歲  
貢終

附吳珊觀梅有感詩春到江南第一香昔年曾折  
幾枝芳於今偏覺霜風苦淫落殘花對草堂 未  
曾結子已心酸才見開花便骨寒氣  
味自堪調鼎用如何眾草一齊看

朱三泉字源發邑諸生前明鄉舉正裕裔孫博雅工  
文赴鄉闈九薦不售

劉炎字斯昌邑廩生文義教諭鑰之裔孫讀書過目  
不忘小試輒弁其曹偶某科鄉試擬魁復黜士林  
惜之

陳詩字雲集資性聰明當舞象勺時應縣試冠軍補  
諸生尋餼於庠文名藉甚嘗受業於朱一開同硯  
有江永清字蜀峰者郡增生沈靜寡言砥礪於名  
師益友間並負盛名子紹岷舉嘉慶戊午鄉試紹  
崑邑諸生

薛拱辰字統羣邑諸生幼聰慧富於文初赴童子試  
縣府院皆冠軍名藉甚遊庠後益工舉子業所著



制藝經術湛深揣摩家咸奉爲圭臬惜甫及壯遂卒

程光霽字心怡邑廩生生而穎悟承父元琦庭訓年十二應童子試有聲以郡試冠軍入邑庠肄業龍城書院論文角藝同舍生成歎服之棘闈屢薦不售鄭太守忤任永衡諸郡時嘗聘至幕府司書啟事後歸設帳於家士多從之游者子一錦裳字佩龍邑諸生錦紱字佩章舉乾隆戊申鄉試考補咸安宮教習候選知縣錦綉字汝三國學生善書

劉特曾字東嶼長於詩文舉乾隆壬午鄉試大挑二等署崇明學事尋授贛榆訓導贛榆士風樸而悍特曾以禮法馴之逾年引疾歸值邑志續修採訪東西鄉軼事文獻有足徵者

徐文熙字嘉賓歲貢生善屬文試輒冠其曹偶與劉明經人鯤爲中表兄弟一時才名相埒設帳於江鄉從游多知名士子荃字馥成亦歲貢生承過庭之訓授徒以繼家聲泰興吳侍郎存義尤爲荃之高弟



江仔中字坦武廩監生淹貫經義作文不落時蹊因  
試南闈被黜入都赴北闈者七屢薦以額滿遺文  
名藉甚嘗館於滿洲世族受業多知名士如官郡  
守之德生官部曹之文光其最著也流寓二十餘  
年歸於家復設傳經之帳以教生徒

黃崗原名荆岳字竹樓前明雲夢知縣卷之四世孫  
工詩文雜藝兼長行楷書與兄茂才邠岳北上嘗  
有機雲入洛之稱其訂交於萍水間者無非海內  
名士由附監中乾隆辛卯順天副榜考補八旗官

學教習期滿選授碭山教諭卒於任初安徽汪志  
伊在京邸貧困無旅資崗推其族叔友誼助志伊  
薪水且以詩文教之及赴碭山任志伊舉順天鄉  
試自縣令厯官總督聞其事者稱崗有知人鑒子  
肇濂能詩肇涓能書俱邑諸生

朱煥文字蔚起邑廩生鄉賢鳳台之五世孫少嗜學  
沈酣書籍作文尙奇博典故鮮有知者惟外大父  
楊公超深器之體素弱棘闈亦罕至杜門養疴猶  
以誦讀自娛歿後數十年外孫劉明經泰詹刊其



文集行世子逵九邑諸生

劉章雅字經翼邑廩生建安知縣疇之六世孫祖枝  
茂性好吟咏著有萃春軒集父鳴義字守溪工詩  
文由國學生考授州吏目不赴選精堪輿家言年  
逾九旬 恩賜七品頂戴章雅工詩長於五七  
古真摯如老杜歌行書法宗董文敏能作大小真  
行字充 四庫館臚錄議叙將得從九品職不就  
以省親歸聞浙江多佳山水幕於某臬使署中司  
書記暇則出郭遊湖訪六井二堤古蹟旋里後

設帳授徒遊其門者日眾秋闈屢黜無復有功名  
志會畢侯所密續纂邑志歷牛侯任始成章雅在  
與修之列年逾七旬卒子鈇俱國學生孫泰詹  
曾孫和

泰詹字尊卿鈇長子家有遺書少嗜學博洽多聞作  
詩文雜藝下筆輒驚其長老游庠之日邑諭張公  
福謙目爲異才食餼後入秋闈者十五科屢薦被  
黜以恩貢就職直隸州州判嘗設帳授生徒獲修  
脯以奉二親復携弟泰鴻泰階於館中教以讀書



俱循例入國子監甚得堂上歡心爲人伉直朋儕  
有過必正言折之遇事能擔當戊子歲倡捐書院  
嬰堂洲田若干畝以充經費壬寅秋又與友陳鳳  
喈勸捐軍需募鄉勇籌畫守禦之法靖城賴以安  
長子香國學生光祿寺署正銜候選縣丞次子頴  
附貢生候選訓導從子蘇少補諸生旋食餼貢於  
成均同治癸酉科領鄉薦

和字少卿泰詹少子生五歲而號神童稍長博通經  
史十三作木筆賦風華典贍絕類館閣鴻裁弱歲

補諸生試輒冠軍未幾以拔貢用教諭挑膽錄舉

王子順天鄉試第三白道光庚戌 廷試三載

京華所交皆海內賢俊凡問奇而來者必一一爲  
道其原委由是文名噪 日下其同年陳編修亮  
疇尹侍御耕雲輩尤心折之內辰會試不獲雋憤  
鬱成疾遂卒於都中遺孤庭燦時甫六齡稍長能  
讀父書弱冠卽補府學生員旋舉丙子科鄉試

瞿燈字燃青歲貢生前明寓公介福裔孫少慧好讀  
書能爲古文所交悉知名士游岸之明年督學梁



文定公試拔萃科得燈卷奇賞之因未與歲試例  
不入選僅食餼焉乙酉鄉試卷已擬元填榜時獨  
失其卷後主司於掛帳上得之深爲歎惋癸卯復  
以額滿見遺值畢侯所密修邑志延燈協纂文獻  
由其校訂居多生平傲骨嶙峋不俯隨流俗晚年  
益潦倒猶以詩酒自娛更號醉餘居士

王步曾字沂封少聰慧補諸生設帳以教朱氏昆季  
若珩若琦若武筠俱先後列明經鄭進士翊與從  
兄孝廉汝昌尤爲入室弟子其餘遊庠食餼者不

勝計庚申試拔萃科由廩生獲選卽以是年舉於  
鄉戊辰大挑二等南歸卒於旅次士林惛悼弟特  
曾子蔭槐俱邑諸生從子銘府學歲貢生琪縣學  
歲貢生昆季聲噪一時亦破步曾之教

陶嗣景字西崖邑增生學純行正工於詩文雜藝值  
邑志續修嗣景在繕校列生平好著述館課之暇  
筆削成各種書目詳藝文志子孫多有列膠庠者  
瞿照字光字贈公哲之次子少有文名乾隆辛卯舉  
順天鄉試辛丑成進士由內閣中書擢宗人府主



事升刑部員外郎乙卯科充順天鄉試同考官值  
簡放廣東學差和相國珣使人謂照以門生  
禮來謁此差可得也照無心攀附婉言辭之等有  
尊鱸之想幡然引疾歸諸後進會課文藝就正者  
日盈門年八十餘卒子慶培附貢生候選府經歷  
孫銳廩監生曾孫濬邑諸生

季玉田字象占少有捷才詩古文詞操筆立就當遊  
庠食餼文名藉甚及貢入成均秋闈遂不復至始  
居蘇家港側田廬無沒於江輾轉遷徙而家益貧

值鄉達朱公勲巡撫陝西玉田往依之日在節署  
終南仙館飲酒賦詩相款洽逾數年歸省其九旬  
老母又依福建莆田令張君興仁張係玉田之中  
表弟知玉田老母在急餽其旅資而返晚年尤窮  
困設帳糊口以疾沒於館中賴門人醵金以葬兄  
書田邑廩生有文名早世弟芝田邑增生

朱珩字冕周早歲博覽經傳在諸生中無人知其名  
者及登嘉慶甲子副榜上林始稱奇之居家尚儉  
樸有古廉士風伯兄曾仲兄臺俱邑諸生臺字望



雲精子平之學從兄琦字景韓歲貢生氣宇和平  
好引掖後進從學者游庠食餼嘗數十人從弟武  
筠

武筠字琳字資學過人補諸生隨餼於庠文名日益  
著由歲貢就職訓導爲人素嚴正邑中有公事令  
長倚以爲重道光癸未辛卯庚子諸歲大水成災  
武筠偕諸紳士勸捐賑恤以濟飢民又勸捐修學  
宮書院育嬰堂其餘節孝祠建立總坊移建文昌  
廟於城之東南隅武筠董督匠事雖任勞怨弗辭

時論推爲一鄉之望卒年七十有四仲弟禮筠字  
貫如增貢生縣丞職銜工小楷從父勲巡撫陝西  
及長制軍齡盧制軍坤先後辟入幕府繕奏摺弟  
師筠字峻斯邑廩生子錫甲錫太邑諸生孫永慶  
廩貢生震澤訓導承慶韶慶俱邑諸生善慶歲貢  
生

宋程字鵬九邑廩生師範端嚴工舉子業丁卯戊辰  
兩膺房薦癸酉試拔萃科學胥得重賂以程卷缺  
紅格一頁違式不獲選士林惜之子賓周邑諸生



有文名早卒次客周亦諸生

朱鳴謙字基安鄉賢鳳台五世孫父嘉棟恩貢生與兄嘉楨弟嘉楫並著文名鳴謙承過庭之訓品端學粹補諸生餼於庠泰興張公福謙司邑論尤器鳴謙會課之文棘閣屢薦不售中年以疾卒士林惜之

劉文銓字發揚建安知縣嶠七世孫辛酉登拔萃科家居授徒邑中號為名師癸酉順天鄉試由薦卷挑補正藍旗教習文名頗勳京師期滿以知縣用

分發東河在工習葦防不能迎合上官意遂被劾歸復設教諭班在籍候選未及試任而卒子濬邑廩生有文名早世從國學生徵邑增生潤邑諸生朱欽字紹開諸生去疑六世孫父至自江陰院試歸聞招覆捷音隨其父繼薰偕陳兆鶴昆弟渡江舟覆溺斃督學彭文勤公作文祭之母陳孀人遺腹生欽幼慧過目成誦通經史作文不假思索年十四補諸生尋餼於庠舉甲子鄉試第三成稱其母苦節之報丁丑大挑以教職選未抵任卒子永江



邑諸生孫桐廩膳生陳兆鵬子曾暨孫雲奏亦補諸生

附彭文勤公遺祭朱陳二生文魂今有知罹此慘毒功名發軔悲喜轉瞬先笑後咷云胡其速曾不崇朝而葬魚腹試而遂歸旅食無資聞捷而來又恐後期寒士之苦進退匪宜嗟命薄而至於斯抱槩入試或亦有年一日見知無憾重泉及汝顛覆悔絕心肝不如被黜猶留其身矧復喪汝骨肉之生父携厥子弟隨厥兄一門併命赴此微名嗚呼痛哉疇重疇輕同舟之人聽命舟子汝亟於行眾莫能止顛風斷渡五生十死彼皆夙因非汝所使再試之期况非促迫胡不少延命也何極子則何心能無惋惜忍以一衿陷汝七尺生弗能服歿被汝躬慰汝賚志其無怨恫携手偕行雲散江空文章何處對泣秋風

羊理字研山少游京師充武英殿供事歸里數十年授江西贛州府照磨抵任數月引疾歸當乾隆五十五年邑志續修理嘗任其採訪所撰馬洲記知足備文獻之徵

楊頤敏字宛周廬州直隸知州超之少子幼慧而承家學年十四遊庠爲人沈默寡言乾隆甲寅由廩生舉鄉試選授安徽宿松教諭學中某生緣事忤邑令衣頂將被褫頤敏力護持之事遂寢士林始服其風力會孫文靖爾準撫安徽將以卓異薦陞



知縣頤敏厭簿書鞅掌之煩河辭乃已匏繫十餘  
年引疾歸子作霖邑廩生孫學曾懋曾俱邑諸生  
曾孫佐垣廩貢生

劉景福字介祺建安知縣幃之七世孫邑諸生舉動  
有範教其子若孫遊庠從學者亦日眾平生養氣  
靜穆寡言述鄉先輩道德文章娓娓不倦兼精  
星命卜筮諸書推斷多奇中子沅邑諸生性孝友  
工青囊術次沅偕沅人邑庠孫大霖亦諸生

朱金門字西甌廩貢生候選訓導幼慧工詩文年十  
四偕兄金章游庠十六偕兄金章食餼人有二陸  
雙丁之目辛未歲試督學劉文恭公置之高等隨  
令肄業醫陽醫院擬於明年科考將以選貢待之  
會升兵部尙書去不果前後凡五戰南闈俱不得  
志父基純因命應京兆試仍又屢困秋風遂憤鬱  
成痼疾卒於京師弟金質幼繼從父瑩爲嗣例選  
兵部額外郎中迎其嗣母而孝養之值金門在都  
復有風雨聯床之樂嘗應順天鄉試分校官刑公  
頃以金質卷薦與某主司爭兩元被黜出闈始知



失一名士不勝惋惜

熊載字光呂號渭川博學善書制科文一準先民理法遊庠後旋食餼拔取嘉慶癸酉科選貢中式丙子科鄉榜考取 景山官學教習生平操行清介從不干預非分事公庭中九屏絕私謁先後授學凡二十年成就門弟子甚眾所著作皆隨手散佚子爾祺搜羅彙輯爲編成愛吾書塾文鈔八卷古近體及試帖詩四卷藏於家爾祺邑庠生

倪希賢字景芳祖發春舉乾隆乙酉鄉試司上元教

陞陝西永壽知縣署米脂縣事以疾歸守疏廣遺誠不置田產貽子若孫懸車二十載依然寒士家風希賢性敏善記誦幼承祖訓長於詩文雜藝十五歲赴童子試取入邑庠逾數年而食餼設帳授徒從游日眾道光乙酉試拔萃科獲選於督學辛公從益嘗有漢軍世家子揣摩希賢文稿鄉會試俱捷癸巳歲大禡希賢與諸紳士勸捐集米數百石設廠煮粥以濟飢民全活無算乙未考取八旗官學教習歸卒於家



史燮時字虞卿父楨歲貢生優於文行燮時少受庭訓工詩文以童子試冠軍入邑庠辛卯登副榜設帳授徒歲獲修脯悉以奉二親爲人渾厚和平藹然可親未及中年而卒士林惜之弟燮明燮昭俱邑諸生

劉玉階字立舉歲貢生性好學多聚書籍客至其家如探曹氏書倉設帳授生徒立教首重行誼不尚浮華學者俱奉爲人師嘉慶二十五年邑紳以玉階舉孝廉方正不就丁廷鑑廩膳生二鑑應貢生

劉烜原名璉字璉邑學生父曰瓏遠遊爲幕中客嘉慶十六年劉烜以翼振遊庠人有兩劉之稱嘗侍父於貴州遵義府署中趙太守曾煜以三蘇文教烜時主講鄰城書院爲江西李鄴芸子廉父命烜遊其門逾二年歸詩文從此益工鄉試屢無又抱伯道之憂且與朋儕飲酒以澆胸中傀儡殆不得志而隱於僻鄉者

陳鳳喈字閩陽歲貢生山東高唐州別駕桐長子幼隨侍任所受庭訓能爲詩古文嘗主稿修家乘仿



歐陽公體例督學南公錄序而稱之庚子秋李侯炳照奉檄修縣志鳳喈上管見六條於郡太守指飭隨條更正壬寅夏江防告警鳳喈上書於楊邑尊具言團練鄉勇有五利與友劉泰詹預備軍需及夷船薄江口鳳喈鼓勵兵民轟擊而退戊申六月風潮暴起歲大禋時賈侯益謙署邑篆鳳喈備陳賑恤事宜悉見施行己酉五月又有淫雨之災賈侯將入闈賴鳳喈與諸紳士赴撫轅乞留以辦荒政飢民全活甚眾居家尚儉樸落落不治生產

嘗應南北鄉試十餘次屢膺房薦辛巳科已擬榜元忽於寫榜時徧覓其卷不得及榜既發卷固儼然在主司桌下也幾得而復失遂終於明經子馨邑廩生

陳鳳朝字小魯附監生桐次子性豪爽能詩達吏治壯遊京師諸名公爭延致幕府前大學士松文清公尤契合一切章奏皆出其手文清每讞獄外省及使絕域必與偕所著有燕臺草北征紀行西湖雜詠等集于德培訓導銜德奎廩監生



朱學濂字紹溪一字表海弱冠遊庠尋以歲試首列  
食餼爲人氣宇溫雅善引誘後進學者翕然宗之  
子四人承其家學均有聲庠序廕樟蔭梧蔭椅俱  
廩膳生三子蔭槐增廣生甲辰赴順天鄉試歿於  
京邸家學之茂如此

朱義宣原名義宇質齋家祔裔孫耆壽應春次子應  
童子試輒魁其曹似遊庠食餼因親年邁無意遠  
遊省試屢薦不售乃由歲貢循例得內閣中書銜  
善排難解紛人莫窺其喜愠至力行節儉尤有爲

人所難能者丁亥雲龍繼父法次名繼其光緒乙

亥由廩生舉於鄉

吳樹棠字辛僑本姓劉少孤苦無依遂出繼吳氏潛  
心誦讀年十七遊庠徒高寒脫俗最喜藏書制義  
能鎔鑄一切不蹈世俗浮靡習顧慮困不遇咸豐  
壬子應京兆試旋遊房薦僅獲挑取膳錄戊辰春  
浙江學使徐公瀾聲起之校文及以病辭歸年甫  
六旬遂卒著有補陔堂隨筆幼殤集諸書

朱炳文字心齋由廩生保舉訓導厚重少文讀書務



實行不尙虛名威靈奕正粵匪陷金陵上平定粵  
逆策集古今名將兵法機宜險要參以議論爲進  
攻退守之計數十條大府遣之而不能用庚申郡  
城陷辦理防堵借友陶金聲協力籌畫心力交瘁  
西鄙賴以安遺稿有心齋制藝及詩古文十餘卷  
子泮林彥生

高隱

宋

孔元虔居馬馱沙今長安團陳公港西南二里爲

至聖五十二代孫建炎中其五世祖若罕與子端志  
俱高抗不仕寓居泰興後泰興燬於北兵元虔携  
其弟來遷構室號馬洲書院以教生徒治生不求  
富讀書不求官恪守先人之訓崇祀鄉賢

舊志以元虔爲宋人今鄉賢神位書作元人按尊  
聖集宣聖世表有元措者於金章宗明昌二年襲  
封衍聖公又有元孝元用皆在元前爲  
至聖五十二代孫則從志稱宋爲是

元

陳傑字漢臣體貌奇偉讀書不守章句通史學工詩  
歌建萬卷樓藏古今書積帙至於充棟趙孟頫虞



集先後至傑延訓其二子簡範嘗出粟賑飢已徵  
江陵路稅課副使不赴久之卒陸文圭銘其墓

劉垓字公坦童時趨孟頫賞其秀異書小齋二字貽  
之因號小齋詩文書法神趣與孟頫合至正間嘗  
辟帥府照磨不就徜徉山水以終

江陰王徵君逢寄劉小齋諸同人詩神聖遺賢軫  
念多薦辭金聘守微病前途絕望楊宣雀亂水長  
窺董養鵝季子有碑時打字莫無鬼夜  
操戈春風東風新熟試嘗歸馬驟一梭

李時可名鳳以字行居馬賦沙在依自喜楊維禎造  
之以赤下盤盛脯自正斗盛漿大並徑尺又設櫻

桃宴瑪瑙斗盛漿水晶為食具佐酒清歌妙舞皆

絕代美麗明高帝下江南詔徵粟助軍時可以萬

石應後治巨筏浮海而去不知所終

時可應作明初人物然楊維禎受高帝徵辟諸史  
俱載作元人矣治筏浮海隱有不得臣之意因附  
元朝人物

明

程飛卿善詩文苜蓿蕭然不喜干譎羣偷入其室東  
之薦中乃徐語曰趨生我所嗜可勿將去

沈瀚字鴻甫性厭繁囂清齋野衲築室北郭外門徑



幽邃無剝啄聲園中嘗植海棠高丈餘頗繁盛有  
俠邪輩飲其花下去卽伐之暮年闢舍後隙地封  
一墓而虛其中納棺焉旁設一小榻常趺坐竟日  
不出年八十有四疾作命具衣衾卧於棺中而卒  
顧學淵字啟明家貧茅屋數椽僅可容膝遠屋雜植  
竹樹果卉絕無俗人往還日彈琴詠詩欣然有得  
生平未嘗一謁郡邑長吏晚徵鄉飲不出子春和  
邑諸生清真亦有父風狷守尤峻嘗出舍力耕代  
養一日暴寒主人貽以衣履稍華辭曰吾服敝緼  
雖寒而安鮮華非吾分也卒不受

鞠正學字師聖邑諸生言坊行表動循禮法屏居林  
壑三十餘年讀書自娛足跡不履城市介然絕俗  
有古人風

陸儀字時杰邑諸生高尚靜默壽登百歲

陸大韶字振之屏居鄉廬舌耕餬口生平未嘗入城  
市年七十餘親黨高其風爲聞之邑大夫式廬請  
與賓筵甫至郭門卽大驚曰是何處吾不慣入此  
卽引退



國朝

朱源逢字滙淇居生祠鎮以明經濟蹤林壑自號紉空禪徒時日爲弄石翁家有舒曠園爲其先廣文正銘娛老地壘石疏泉有亭榭花木之勝性好古書畫多藏晉唐間物兼善吟詩乾隆壬戌王太守歛福額其堂曰是亦爲政孫燭字秀賓邑諸生移園石於宅內壘爲假山仍以舒曠名

陳階字雲吉邑諸生性好讀經籍工古體詩鄉闈罕至授徒於東鄉最久距城僅半里十餘年足不入

城同時徐廷理字亮工邑諸生讀書授徒家西關外里許不入城者亦二十年與階俱有隱君子風義行

明

劉海字仲海其先江右人心興偕兄東渡從江陰侯吳良克張士誠有功官千戶始籍江陰父叔完性孝友高尚不仕海才識英異拓地驥沙會成化間立縣捐貲巨萬佐張侯汝華築城垣縣治學宮亦以次創畫事間賜五品冠戴遂籍於靖子瑞璘瑄



瑄瑞以輸粟入邊禁磨冠帶麟恢廓父業後裔皆受庇焉

沈鏊字濟之由諸生例選職員嘉靖中烏夷犯境鏊粟百餘斛以食難民有鄰築室侵其地弗與較嘗嗣族子爲後以酒過不受責歸宗仍割產之半與之生平無他嗜好惟以詩史自娛卒年八十有三劉元洞字子遠國學生磁州同知鏡之子爲人豪爽尙氣節克敦族誼嘗買宅於南都三山街几子姓應鄉試者悉館之後嗣科甲蟬聯其培植皆由元

洞云子國赤官廣州吏目

蕭正聲字雅所質厚寡營動必由禮雖燕處衣冠肅然不改其度待宗族故舊之貧者情意甚篤遇有婚喪諸大事必竭力俛助之子信芳字伯荃邑廩生慷慨好施有父風九困棘闈鄉人雅重其文爭誦法焉孫松齡另有傳

朱正約字在充桐廬縣丞得之從子援例仕光祿寺署正當輦金數千助軍需詔建坊以旌其義萬厯戊子已丑歲祿米價踴貴正約出粟數千斛平糶



全活甚眾又捐貲數十金創塔於邑東南以當巽峰未竣而卒

劉士炳字聞之邑諸生品方正言公直三黨宗戚無不護持其誹難解紛尤多厚德

盛恩字子惠居東門外幼孤窘起貲鉅萬與弟忠不分爨已有公事每身先趨之嘗捐數百金以啟辛關甘他施博設糜造梁掘井諸義舉費無虛日鄉

里無不為善人于時傑

時傑字完我賦性慷慨揮金不吝為諸生時見學官

明倫堂尊經閣傾圮獨捐貲修葺所費以數千計友朋告貸輒許與之或力不能償則焚其券親族待以舉火者甚眾由歲貢官如臯訓導不責士贄復捐數百金創造學署或曰暫住何煩爾時傑曰後不有來居者耶陞長甯知縣有政聲

楊汝文字有章父繼善以孝友稱萬厯間汝文偕弟汝才援例得主簿既而為仇家所誣繫郡獄時有同獄囚某上贓三十金即得減死罪貧甚將鬻其女汝文命僕取金如數與之聞於直指使者訊之



得釋居家廣行善事當事屢獎以額授七品冠帶  
與於鄉飲子孫遊庠者甚眾

張邦志本姓尤少失怙傭工以事母有徽人汪姓者  
嘗以金一匣寄其家約八十餘兩未幾鄰火延及  
其舍急命婦翼母出已持匣置野中謹守之數日  
後汪至意此物必已化爲灰燼否則爲他人攫去  
矣邦志原數交付分毫無染里中高之趙侯應旛  
獎其閭復優以布帛十餘疋

朱維炯字劬生爲人修謹不妄交接族有逋欠南糧

千石者繫獄擬城旦將斃炯出息稱貸以納由是  
傾家產之半復以金百兩贖其罪舉族義之

義僕顧姓者軼其名居隱山團其主與主母相繼死  
濱江田塲盡顧與妻乳其襁褓子長而爲之婚配  
躬操作以養之且其子有癩疾顧不因之失主僕  
禮客至輒趨令陪坐而已侍其旁執役甚恭終身  
不懈

國朝

張聞遠字洪雷少業農粗涉章句前明啟禎時賦役



日煩鄉里多破家聞遺貸之俗如也藉以解紛者接踵於門於是翕然稱長者感滄桑之變精神至老不衰卒年八十四邑人滿中和爲作傳

朱士蛟字爾升邑諸生前明鎮江教授家標第三子胸懷坦直喜交游重然諾慷慨無吝色黃岡徐司教雲彰之父卒於靖江學異貧不能具棺殮士蛟出囊金不足質衣飾繼之經旬其喪徐始得扶櫬歸其餘修學濬河俱捐貲助工以董役事年八十餘卒

劉熙典字崇之封君熙學仲弟天性仁厚樂善好施有以急難告者傾囊與之無德色弟熙恒字明之耽情書冊生平多義行亦以長者稱

金世靖其先金華人行誼克敦江鄉稱爲長者嘗捐貲以治橋梁於貧交尤篤稱貸或不能償輒焚其券邑有義舉必解囊爲之倡闔邑士族特舉鄉飲耆賓郡守宋公稱其古貌樸衷督學石公給額曰名高月旦子二長有容事親孝養無違克盡子道次有德亦稱善士孫士震字青雷舉雍正癸卯順



天鄉試

劉雍字和行邑諸生性剛方仗義好施與易簣時焚券數百紙其積德裕後如此子錫連字元公果舉康熙丁卯鄉試

何聲聞字永文好學隱居言規行矩與楊用稼楊履稼兩先生會講東川書院稱道義交雍正二年大稔聲聞鬻田二十三畝易粟五十餘石分給鄉鄰之貧乏者其任郵爲可風焉

劉錫曾字式玉國學生封君熙學孫邑增生懌長子

學問淵博個儻擅奇才性好施遇邑中公事每指貲以董其役族黨有貧乏者尤多將伯之助壯年入都考職列高等卽選縣丞邑侯鄭公重手書皇衢翔步額之

劉方澎字聲宏居石皮街建安知縣幃之孫鞏縣知縣銘之次子以附貢候選知縣家故素封篤於族誼遇邑中公事每解囊倡始性好結納四方賓至如歸鄉鄰之貧乏者咸待以舉火子枝夔字宣和邑諸生慷慨有父風因學中兩廣文俸薄捐劉盛



朱段田五百三十畝助薪水資土其事於布政使  
免解膏火雍正十二年分巡常鎮道獎之以額曰  
好義可風後裔列庠序者弗替

朱義光邑諸生樂善好施曾舉善人

陳溥字天如附監生考授州同職前明孝子淑之裔  
孫兄濼補弟子員未娶而亡念曾大父以下單傳  
非爲善不足以廣繼嗣族叔國望貧老無依溥養  
其悉加禮入撫其族子大經爲之婚娶並給以資  
財至過公事則竭方爲紳士俱稱五十年大校嘗

勸捐以助賑恤德學宮書院有修建工又捐錢若  
千緡田若干畝其義行俱有可風者

鄒之龍字御前素以濟物爲懷見邑之病者每無力  
延醫以至不起乃購良方製爲丸散施之歲費貲  
四五十金其家因漸貧然猶竭蹶以繼六十餘年  
無稍間也舒侯香以事實通詳高制府趙撫軍俱  
獎其門曰推仁梓里

馬慎修爲人古道可風出粟以濟鄰乏製纊以卹老  
貧雍正十二年公舉善人舒侯香詳奉各上臺給



匾獎之曰推仁梓里卒年八十有二

祁星熙字聲一爲諸生時館於泰興之南鄉歲暮歸道經某老嫗門聞哭聲甚哀詢知其子傭工不返乏度歲貲將鬻其女可得銀五兩轉瞬生離故悲甚星熙因解囊如其值予之女遂不鬻及登雍正壬子賢書咸以爲厚德之報

徐益字效廣國學生家饒裕性好施與遇歲祲必先解囊以爲捐賑者倡乾隆十年兩江總督尹文端公給額獎之子瀛先字士洲國學生克繼父志邑

有公事則悉心籌畫嘗倡義捐田入育嬰堂以充經費並董其事弗怠孫時偕歲貢生時敬時雅時敏俱邑諸生

薛文煒字舜揆邑廩生少穎異博涉羣書作文動與古會不屑屑於章句間性慷慨好義歲祲則倡捐爲黔敖之食道無餓殍冬月除道成梁民不病涉楊侯逢泰給額獎之曰樹德儒林

周世明居西來鎮樂善好施嘗購石創治橋梁復出貲置義塚給義材以次修葺祠宇歲祲捐米作糜



食餓者至夏茶冬絮晦燭雨蓑更習以爲常乾隆十五年龔侯景福詳請獎之

陳廷鎮字曰聘國學生居西關外前明高士善之六世孫生平多善舉修橋梁平道路行人稱便夏則施茶冬則施絮病者資之以藥殯者給之以棺其好義皆類此乾隆十五年龔侯景福上其事於胡太守文伯以敦崇善行四字獎之弟啟銑廷佐

啟銑字曰輝邑諸生家居授徒貧者弗納其修脯反授之餐且給以楮墨費來學者日眾有婚姻之家

貧富不相敵往往中變以銑每竭力爲之完聚雍正十年康莊沙被風潮災戶見螺湧成堆村民有拾以入市者啟銑以麥易而放之五如是者半月餘村民藉以餬口而螺亦全其生後侯香贈之以額曰一惠兩全其他施菜施棉施楮善不勝書後遷於丁墅團年六十卒孫司凱字健行邑武生候選守禦所千總慷慨有祖風嘗倡助開港修閘之工又捐錢八百緡以充書院經費鄉人稱之

廷佐字曰雍國學生家饒裕而好爲善貧族有婚嫁



喪葬之事每竭方助之雍正十年風潮爲災沿江居民絕炊廷佐出粟以濟既免各個人租且給之布與粟稱貸而不能償者則焚其券卽有風逋者來告貸仍許之舒候有惠政去官日囊空如洗廷佐贈百餘金爲緇士借補繼而餽贖者甚眾世稱陳氏諸兄弟義行俱有可風孫桐曾孫鳳喈各有傳

劉南珍字楚來國學生居九龍廟側嘗出資築祖墓建宗廟族中有婚嫁喪葬事必竭力助之又製醫

藥具楷櫬夏爲蚊帳冬爲棉衣以界貧乏邑中學校宮書院及文峯塔募修悉解囊以助元個人完租錢不較錙銖穀不較升合貧甚而有風逋者均予除免生平好義多類此子景謙國學生次一飛一鳴俱邑諸生次一翔

一翔字鳳千幼警慧發憤爲學時稱劉氏白眉中乾隆甲午副榜就職直隸州州判居家勇於爲善慷慨有父風尤加意於大祿之歲乾隆辛丑六月風濤爲災濱江居民有不屋處不火食者一翔或給



以錢或周以粟其所全活者甚多奉賢陳太守廷  
慶嘗爲之傳子鈺國學生次鍾字聲字邑諸生顧  
學博鴻志嘗推爲驥步佳士次錕國學生  
瞿兆能字作謀邑諸生后布市里始祖介福善醫明  
季遷自常熟五傳而至贈公學海有五丈夫子兆  
能行在三謹身節用不屑與里黨相徵逐故交游  
多士君子鄉達鄭太守忬尤所契合性亢直不能  
容人過然人以此益重之遇歲歉輒發粟作糜以  
食餓者鄉黨咸稱其義弟哲恕

哲字希誠國學生重慶爲善每爲人排難解紛然未  
嘗跡涉公庭遇有冤獄必傾其橐爲尙義者倡崇  
聖寺年久漸圯哲捐貲百緡以作新之其他郵飢  
寒助葬埋諸事俱竭力無稍吝嘗以陰雨登樓遙  
望鄰家近午無炊烟遂籠若千錢擲其門內窶人  
賴以舉火者甚眾其德皆此類也子焜附貢生  
次照另有傳次能國學生以照任中翰時贈如其  
官奉賢陳太守廷慶爲作傳

恕字作仁國學生居蔡巷東街性伉爽重然諾遇



有災賑勸捐之舉輒請諸紳以助馬侯鵬飛賈  
侯三禮各以額旌其詞又請學宮年久失修擬捐  
百金以倡會疾疫不果子煌踵而成之煌字廷彩  
附貢生勇於爲義嘗出千餘金創建宗祠邑中救  
荒及修廢舉墜諸事無不慷慨樂輸嘉慶時江圻  
逼近城垣築堤築壩而役雖興而先後捐錢若干  
緡以助大工諸戚友有稱貸者往往力不能償夙  
逋以數萬計陳太守廷應爲作借燈子肇基廩貢  
生歷署長洲鎮洋學 歷次肇世 以學生候選通判

次肇奎 國學生 而經 歷 徽 恕 及 焯 以 肇 坦 爵 加 三  
級 並 膺 榮 封

盛彙字連茹國學生 歷 徽 恕 門 外 性 好 施 與 善 行 爲 鄉  
黨所推子 四 其 各 辟 序 其 季 鳳 裁 附 貢 生 乾 隆  
五十六年捐出 自 設 入 祠 以 贍 族 中 困 乏 畢 侯 所  
密嘗給額 歷

朱斗光字旭初國學生 歷 徽 恕 門 外 性 好 施 與 善 行 爲 鄉  
從子援例授甘肅岷州吏目有能名念父母春秋  
高請終養不許 出 陞 主 簿 旋 里 遂 其 老 萊 之 志 與



弟奎光相友愛怡怡如也邑有公事如葺巽宮修塔寺賑飢民每先解囊以倡及歿而奎光繼之慷慨一如其兄同邑顧使君天駿爲作傳

熊正己字謙益國學生東鄉西來鎮人潛心內行樂善好施邑中興廢修墜必殫力贊襄葺文峰造浮梁恒任巨捐無吝色乾隆十九年郡學就圯待修勸輸及靖慨然樂助多金太守宋獎以勸扶文教匾額三十一年秋雨壞邑明倫堂及時踴躍出貲以助修葺至每值歲歉率先出粟周卹親赴局悉心籌辦人賴以濟近國有社倉需司事人邑侯敦請至再不獲辭經理凡九載簿無侵冒倉有實儲鄉里德之孫載另有傳

劉學清字鳳銜附貢生清康莊橋北兄洪詔以州判遠宦雲南學清上奉慈親下教猶子孝友兼至鄉里中或有雀鼠之爭得學清排解一言便渙然冰釋嘉慶十九年江口築石堤捐錢一千緡其他捐賑救荒及修廢舉墜六事無不踴躍解囊子樹榮字奏南附貢生次樹棻字薌岡廩貢生



朱基純字曼卿居北門內以增貢生例選中書科中  
書工古文能詩嘗秉筆修家乘體例悉本諸史家  
及北詣京師西游陝右所至必訪古蹟賦詩滿篋  
生平仗義疎財嘗以千金置寒衣賜給鄉鄰而貧  
家賴以無火者尤指不勝屈道光癸未歲大稔偕  
猶子輩捐銀千緡賑飢全活無算辛卯歲亦如之  
又與猶子輩捐銀三千四百緡及平沙課田一百  
餘畝書院以充經費每屆鄉試寒賤則餽以川  
資卷費晚年僑居江陰壬辰春卒以喪歸鄉人出

涕曰今而後鮮善人矣初基純以長子金蘭官安  
徽廬州府通判出繼子金質官兵部額外郎中各  
加級先後膺榮封三子金門另有傳

鄭德剛字毅齋國學生沉靜寡言足跡不出戶留心  
軒岐以後諸書爲養生之術其於昆季行居長次  
德儒次德瑛達又次之俱國學生遇邑中有公事  
德剛偕弟累出重資不吝時謂有義門餘風

陳楠字晉庸附貢生獎叙縣主簿慷慨好施與道光  
三年水災倡捐千金並上書邑侯指陳救荒利弊



五江縣志 卷一 四  
累千言邑侯嘉納之著爲式族女幼失所酌給中  
人產資奩贈字之名門省垣有候補員極困苦素  
未識面贈百金營營赴任掾吏坐官逋逮繫力爲  
措繳脫桎梏年週甲族子弟請稱觴誠勿許減田  
租十之三佃有不能卒歲者復資以米麥鄰里告  
貸者恒量給之勿責償子鳳岐鳳阿皆附貢生俱  
樂善有父風鳳岐鳳負才學試南北闈不售嘗游  
幕業師劉重新泰署中爲清羨穀二百餘石重爲  
歛賞不置鳳阿每遭民賑軍需必偕鳳岐子立基

出重資以助立基復與鳳阿係錦瀾繼之立基候  
選知縣同知銜鳳阿子定基官兵部職方司主事  
惜早卒

謝耀廷字兆乾國學生至性純篤善瘍醫凡危險諸  
症治無不效父林春好施與遇歉歲鄰里有告貸  
者悉應之或貧不能償必戒勿索及歿存券數百  
紙計錢二千餘緡耀廷克承先志悉焚之又嘗以  
沙田三百十畝送入書院助諸生童膏火資孫鴻  
恩鴻誥相繼以縣府冠軍遊庠甲子科鴻誥膺鄉



薦翁猶矍鑠也壽九十有一卒長子錦亦善醫

朱裕字恒照國學生乾隆六年水災秋穀不登鄰里

多飢者裕獨倡義煮粥以賑至次年麥熟方止邑

侯楊逢泰獎以培元助化匾額

葉彩字維文國學生為人言笑不苟樂善好施所居

近江干一日江中揚波覆舟被溺者甚眾彩聞之

惻然即率僕駕舟往救獲活二十餘人有懷金以

酬者彩曰我救汝時豈望報乎卒不受

顧星台字平階國學生湖南淑浦縣知縣天駿之孫

性坦直善排難解紛有以益爭告者得其一言咸

帖然無異議以是鄉里稱長者比遇有義舉無不

推星台董其事嘉慶間貢仕蒞於某年鳩工擴

濬星台悉心經理任勞任怨終不少倦并賙

墊多金絕無德色他若施粥賑飢修路建橋以及

採訪節孝等事其紀勲急公亦多類是于四長慎

思廩膳生

汪景字坤表邑增生襲進士第凡遇鄉鄰貧苦者無

不量力週卹之而尤喜募精士類道光十八年嘗



捐送劉聞段沙出三百畝以助鄉會試公費全增  
置義塚修葺橋梁其善舉亦多類此

盛襄字竹坡童年失怙應試未就援例刑部司獄性  
豪爽有胆識凡邑中公事無不協力同心以圖有  
濟道光壬寅江防緊急偕陳明經鳳喈劉明經泰  
詹等悉心籌辦擊退喫夷戊申己酉連年水荒勸  
捐賑濟全活無算咸豐癸丑粵匪竄擾江南籌辦  
大捐忽勞不避庚申春抄大營崩潰蘇常各郡邑  
相繼失守賊氛寢熾靖邑濱江各港對渡風鶴頻

驚襄經營保衛日夕勤勞籌濟南北軍餉始終不  
倦倘所謂公而忘私者乎膺獎叙晉三品賞戴花  
翎宜也享年八十以壽終

藝術

明

瞿介福素以醫名爲人性端謹言笑不苟萬厯間邑  
中瘟疫大作介福施藥所活甚眾子宗爵宗鼎俱  
克世其業孫德毅德茂各有傳

盛時揚字顯卿援例仕上林苑監丞賦性豪爽工書



畫有義俠風

鄒志夔字鳴韶少業儒一再試被黜遂棄去爲人樸雅取予一介不苟中年精醫術博通倉扁以後諸書嘗著脈辨正義五卷與素問靈樞相發明邑人朱家棧爲作傳

朱士龍字爾行邑諸生鎮江教授家棟長子好吟咏尤工篆隸八分

國朝

劉符字董又國學生封君顯學第三子夙有至性遇

事直據胸臆不假緣飾謀子之暇雅好臨池書摹右軍十七帖工詩畫烟林自娛於聲利泊如也

劉以佳字穆如邑諸生賦性明敏多孝行工文詞書法端楷又善懷素體次子鏞字耕愚邑廩生書法亦力追二王得其遺蹟者皆珍藏之長子鎬少子正銚另有傳

黃綸字素尊邑諸生前明雲夢知縣卷之孫品端學粹尤工書法真楷得唐人矩矱行書學聖教序飛舞有神自鄭公梁後亦能自樹一幟者子延福字



凝五從子復振字載陽並邑諸生俱以能書名

劉曰湄字岸青邑諸生前明長沙同知士焜曾孫書法雄厚力摹鍾元常從子有本字殿聲邑諸生嗜酒工書得歐柳體索書者飲而醉之狂草又酷似張顛弟惟和字東臯邑廩生天姿超越書畫亦各擅長一門韻事鑒者奇之

季剛字得雨邑諸生工書筆力蒼古不落時蹊文學侯玉銘師之四世孫玉田另有傳

朱鉦字相其邑諸生書法有顏柳筆意

劉燮字馭生邑諸生以能書名

范浩字沛蒼善畫花鳥嘗與江陰韓衮討論寫生法一以北宋徐崇嗣爲歸其深造所入精妙絕倫與衮俱以能品稱

童金書字玉函善墨梅老筆紛披饒有古趣與嘉興李琪枝齊名

程倫字芳園邑諸生善畫山水筆情蒼秀墨氣滃然直入高房山之室

呂諤字仁山丰神俊逸瀟灑出塵善寫人物尤精花



烏刻劃中生趣勃發色澤鮮妍猶其餘事

周巖字卜山善工筆山水又有金瓶金華者俱善畫

魚善畫龍則有薛二聯善畫驢則有盛情善畫花

鳥草蟲則有季雲容皆先後以畫師名

孫其言字大謨國學生精於書法與書學柳河東行

書學李北海素饒膂力能敵數十人嘗徒步走燕

中抵通州阻雨武廟旁有無官道遂某書殿庭

聯額某未至其言欣然走筆聯額愈之遂延其家

倩書大小數十紙時山西拳勇石某鄉官不教

習一日試技後園方起是時縱其言隨以掌斃石

某股擲之於牆外鄉官尤奇之因請以武藝教其

子若弟及歸贈以數百金

劉應祥字寶三邑諸生丰姿瀟灑學力優純精於小

楷得唐人遺法

孟有章精於素問靈樞之學與蘇州葉天士鎮江何

澹菴齊名其瘍科尤有神效嘗有一人患足痛久

不痊有章知膿在膀骨內令先服麻藥用利刃破

其膀肉就骨上鑽一小孔孔中挿麥草管吸膿而



出洗淨傳藥於膀遂漸愈又暑天治一鄰人目疾  
謂子毋以目爲患第恐三日內兩足大指生疔給  
令常視足指防之蓋其症屬心火心在目則火上  
炎心在足則火下降由是日疾愈而疔亦不生奇  
術皆此類也所著有醫案及刀圭圖式惜散佚無  
傳西鄉羊敬安從有章游得其術亦以醫名

周文紀字文衡邑諸生初學瘍科於孟有章有章命  
讀靈素內經及張劉李朱四大家集謂須溫習十  
年然後可試刀圭文紀性穎悟晝夜攻苦不輟三  
年後卽得其傳遂繼有章以瘍科名孫永輝國學  
生亦精刀圭之術有乃祖風自永輝而外又有西  
門外薛希州西來鎮汪滄洲皆善瘍科

鄭楫字濟川國學生精於醫術祖仲景之法其理宗  
太極陰陽河洛八卦諸說所著詳藝文志

孫光遠字和中例貢生前明鄉賢同倫之五世孫幼  
穎悟讀書過目不忘尤精軒岐之術邑有許姓者  
患時症死已一晝夜光遠撫其胸尙溫投以藥頓  
蘇又劉氏僕患疫症垂斃用砒導之一吐卽解其



他怪症奇驗多類此性伉爽不計酬貧者轉助以藥餌嘗與蘇州葉香巖往來考訂著有各種書載藝文志子芳行邑諸生次潮繼乃父醫術孫模魁槐俱邑諸生楷職員克世其業同時族裔有名春者亦以醫名

朱我峙字巍然國學生以世醫名父鼎和精通素問諸書嘗置田一百六十餘畝我峙與其兄若弟各得遺田三之一父歿後弟少而性拙不能繼父術我峙體母氏意以已田五十餘畝給弟爲之婚娶

其歲獲酬潤資獨奉母氏甘旨由是孝友稱於族黨間醫術之精特其餘事子光斗邑諸生早世次桂邑諸生亦善醫孫鶴庭曾孫準宜皆克世其業陸西綿字鳳初歲貢生博雅能文兼善棋江南北鮮與敵者越廿餘年陶贈公建亦以是擅名

陳瑞字南堂國學生前明高士善之裔孫少工書畫能鼓琴酒酣則拔劍起舞游學入都嘗獻山水畫冊蒙 賞給緞疋時乾隆五十五年也和相國珎聞其名使人延之瑞長揖不拜相國以其傲而辭



之出都幕游滇蜀肆意山水間及歸道左苗獠見其神清骨秀咸驚爲神仙中人抵里後以墨筆作米家畫鄉人珍焉

劉主敬字寅衷邑諸生書法得米南宮筆意

鄭熊字西載邑廩生潛心理學嘗以每月朔望詣東川書院與楊黃諸君子相質辨尤精堪輿之術著有蕉窗問答行世

陳彬字文貴以瘍科負盛名縣隸以事至鄉與村民喧嚷剝上外下膏彬治之使痊朱侯洛臣以業擅青

囊額之又農人被牛傷腹裂腸流彬爲之徐徐納人以線縫其瘡口遂漸愈其接骨傳藥尤妙所治應手而效子大鵬字宗藩郡庠生孫天駿定安俱傳其接骨法定安後其法無傳

劉有聲精小兒醫請治者投以丸散應手而效又有朱臻露陳甘來亦俱以幼科著

盛景蘭字香谷弱冠與兄朝臣入都兄以國學生授南城兵馬司吏日景蘭工黃素術亦以國學生考授太醫院醫士取壽世保元之意顏其門曰壽元



卷十四  
三  
堂

朱慶雲工軒岐術有盛名子心葵孫方燦自芳克繼其業世爲醫學訓科

楊崗字樂天邑諸生工小楷游學京師以目疾歸醫弗效遂瞽同精星卜家言代人推斷多奇中迄今談術數者咸推育分方

朱夢熊字渭古鄉賢鳳台五世孫工小楷游庠後入國學恭祖 臨雍大典與監生鄭鈺觀禮園橋考充 興史館校錄議叙候補縣丞鈺字若連亦

工書考授吏目借補河南內鄉縣典史

劉坦字履吉國學生封君熙學裔孫居家孝友處世冲和少篤學好詞章尤嫻歷朝史事又嘗購晉唐名蹟甚富雖晚歲臨摹不輟嘗言作字在用筆運筆在用腕曉此二義日取古帖學之便可名家故其書道逸沉雄直入古人之奧

聞琴字雲和邑諸生熟讀諸經傳易義尤精兼通泰西天文之學道光壬寅秋夷船逼境琴嘗語人曰歲星臨吳越非特弭兵穀且大熟蓋本春秋傳說



越得歲而吳伐之有大咎也未幾船退而穀大熟  
其言果驗又勾股算法琴亦素嫻之他如星命堪  
輿家言特其餘技耳

劉均原名庭璧字子成父斯顯乾隆己酉進士雲南  
蒙化廳直隸同知均生而穎異隨侍官廨中博極  
羣書長於詩古文詞下筆數千言立就書法秀勁  
醕類歐陽率更又善繪山水皴擦不多而條然自  
遠及自滇南歸長途所歷勝景崗巒重疊古樹杪  
枿以妙筆運之尺幅中頗饒奇趣然性疎懶畫亦

不多作也兄庭璽字尹中國學生候選縣丞工詩  
善楷書子喬孫字松侶有詩名早卒次錫晉字燕  
庭從九職銜亦好吟

朱遵泗字杏田邑增生議叙從九品父如金國學生  
歷署金谿豐城知縣書法宗顏魯公遵泗作真書  
有柳河東筆意

熊春字渭北以畫蘭竹名

祁濂字蓮奎國學生幼失怙棄儒習醫善幼科遠近  
延請者無虛日性不喜肩輿條然往來故貧嬰賴



以保全者尤眾生平爲人自處以儉待人以誠其  
品概有足稱者子煦能紹其傳

鄭廕桐字唐封戶部主事錫琪孫父汝諧邑諸生落  
落不事生產迨歿家益貧兄應楠廩監生教之讀  
書補弟子員試高等而餽於庠廕桐少有翻胃疾  
嘗購軒岐以後諸書久而獲良方服之頓痊從此  
深究青囊奧義其術愈精請診者無虛日遂以良  
醫名惜早卒

朱以增字準宜邑庠生鶴臯嗣子鶴臯早卒力學無

資仍從本生分入鶴亭習岐黃靈樞素問及諸名家  
著述過目輒成以誦儘有會悟出臨症應手輒效每  
遇時疫尤奇效以同時諸前輩皆歎爲弗及子三長  
慶祺附貢生次八俊生早卒三蘭坡皆世其業

流寓

元

趙孟頫字子昂吳興人未遇時陳徵士傑延之家訓  
其二子簡範

虞集字伯生臨川人未遇時亦館於陳傑家

清江縣志

卷十四 流寓

七三



楊維禎字廉夫會稽人明高帝徵辟不出嘗客李時  
可家

王逢字元吉江陰人居黃山自號席帽山人又號梧  
溪子少時學詩於馬沙陳徵士傑有獨游馬沙諸  
作見梧溪集江陰祀鄉賢祠

明

孫一元字太初陝西人殷侯雲霄令靖時客此多題  
詠

秦柱字汝立無錫人

陳體文字仲約江陰人早歲負才藻後益肆力古  
作詩不留稿友人花周錄藏篋中劉尚書光濟序  
而梓行之名友錄稿

童佩字子鳴龍游人

康從理字裕卿永嘉人

葉之芳字茂長無錫人

顧願字朗生長洲人

黃河水字清甫長洲人

李維楨字本甯京山人修馬沙小志有序

靖江縣志

卷之十四 流寓

七



顧養謙字益卿通州人嘉靖乙丑進士歷官薊遼總督兼經畧卒贈兵部尚書祀通州鄉賢祠

王穉登字百穀江陰人自秦柱至穉登皆客朱正初家正初修馬沙小志穉登總厥成其以詩札寄正初者見於謀野訂集甚夥

錢敬忠字孝直浙之四明人官刑部丁艱時讀書馬洲書院與邑中紳士相往還

董其昌字思白華亭人邑人盛時揚延至家課其子其昌通籍後召趙侯應麟座師以禮部尚書致仕

歸來靖寓時揚家讀書襲慶堂青蓮閣萃融樓及孤山海柱峯瀾港迎恩亭北郭外楞嚴堂各匾額至今猶有存者

吳默字因之吳江人邑人盛恩延課其子留遺墨蹟有手書鼎文堂額及恩之墓誌銘

薛岡字千仞浙江四明人

許經字令則松江人

徐遵湯字仲昭江陰人崇禎戊辰副貢工詩文陳侯函輝令靖時聘修邑志



國朝

徐籀字亦史吳縣人順治九年由舉人來署靖諭陞  
湖北黃岡知縣致仕後置田宅於靖家之

毛奇齡字西河浙江蕭山人明末遊靖著作甚富

國朝康熙己未試鴻博科授翰林院檢討

金敬字廓明郡人與朱駕部鳳台交徙靖潛心理學  
錫山學社中延爲領袖嘗二至雉臯士大夫倒屣  
以迎後卒於靖年七十有七葬邑之北郭外墓碣  
稱前處士

趙時字我用江西南昌人廩貢生明季徙靖教授生  
徒以詩文自娛課子孫力田而食有奚囊集行世  
杜濬字于皇湖北黃岡人以詩文名海內爲侯方域  
昌襄輩所推重鼎革後客金陵轉徙淮揚間遇故  
老遺民輒慷慨悲歌愴然欲絕聞邑中蕭學正松  
齡名來訪於半餘園與朱孝廉澂昆季相唱和酒  
酣各訴衷曲感歎不自勝躡屐登孤山四顧茫茫  
一聲長嘯復口占數絕句於望江樓詩語奇崛以  
狂草書之足稱兩絕值外弟奚司馬祿詒蒞江陰



招之去

尤侗字西堂長洲人順治九年由拔貢任永平府推官康熙四年鄭侯重令靖邀之渡江登文峯寺浮屠值朱駕部鳳台好客侗數至其家極流連觴詠之歡己未試鴻博科授翰林院檢討撰明史稿孫岳頌字樹峯吳縣人康熙壬戌進士歷官禮部尙書與羊學博球爲同年友嘗寓其宅

倪匡世字永清松江人工詩操選政遨遊於江南北康熙間來靖以朱駕部鳳台爲東道主得交朱孝

廉徵昆季輩並集邑中諸詩人結爲吟社凡新舊草俱選入振雅堂詩最

鮑琳字懷瑾安嶽歙縣人附貢生工詩偕弟環徙靖環字懷璋常與兄挑燈相向對酒長吟有遺世絕俗之想其詩亦選入詩最中

陳維崧字其年宜興人官翰林院檢討客於靖與金處士斲羊學博球輩友善有紀事留別詩載湖海樓集

李容字中孚盩厔人邃於理學駱公鍾麟令盩厔時



嘗造廬以奉其教及守常州折簡敦請至郡執經問業者雲集應鄭侯重及袁廣文之聘來靖與多士講學如羊球尤霞朱士蛟鄒隆祚輩皆在弟子之列嘗錄其靖江語要載二曲集鄭侯序之

附鄭侯重李中孚靖江語要序從來政治之得失世運之盛衰未有不與學術人心相推挽者也稽自漢唐而下以逮今日定鼎之時多資禦侮之才垂拱之後必重循良之吏凡以興學校崇教化為治之首務而師帥一方者每以講學興行為念一遇倡道崇修之儒不啻式廬請益且執贄而師事之令人知尊先聖之宗風而復三代之盛治非旁求之主所欲股肱賴之寤寐不違者哉中孚李先生關中鉅儒也不屑章句之學以闡明學術救正人心為己任一時賢士大夫無不翕然宗之當事

欲疏薦於朝辭不就郡守駱公令二曲時每當簿書之暇造廬請益凡天德王道修已治人之事罔不日相劇切務體之於心達之於政不徒託諸空言與先生相得益彰豈非欲藉其宣弛之力使天下曉然知聖學所歸也乎及公守毘陵復欲以先生之學惠敷南國折簡相邀杖履遽出斯道一燈幾遍江左明倫鐘鼓啟發多方環擁而觀聽者得其片詞隻語莫不頓生覺悟咸謂人心之陷溺由於教化之陵夷非公雅意興學何以致先生發矇振聵木鐸江區俾後輩如夢初覺如飢得食也哉嗟乎世所謂良二千石日乾乾治程書彼方以俎豆為匏瓜無問縫掖今公獨以文章興吏治匪特此邦之幸抑亦天下之幸也升堂指示之餘間有詢疑辨難諸語彙而梓之附於諸刻之末以見學術人心足以關政治云爾

章大士字我任郡人以孝友節義聞於時康熙庚戌



客靖三年丁巳復至與朱駕部鳳台輩講學一以程朱居敬窮理爲宗

曹一士字諤庭青浦人館於邑中徐榮五家初爲如臯教諭後成進士入詞垣遷工科給事中

任啟運字翼聖宜興人嘗與盛元鯉相善寓其家長嘯軒題有白沙翠竹江村篆額

潘思築武進人未遇時嘗寓南門武廟讀書後成進士歷官安徽巡撫

高方字矩亭江陰人嘗客徐上舍益之家日與邑中

諸名流文酒相歛洽其書法蒼勁入古尤喜於巨障作擘窠大書見者無不驚異方弟京字尹亭雖書亞於兄亦橐筆來靖遺留墨蹟甚夥

湯先申字萼南郡人舉乾隆甲子鄉試掌教正誼書院後登辛未進士歷官內閣侍讀學士

任大椿字幼植興化人賈侯三禮令靖延爲正誼書院山長品端學粹足爲多士楷模後登己丑進士官監察御史

任震遠字孟馨宜興人乾隆辛巳進士歷任江西大



庾都昌福建邵武同安知縣生平邃於經學嘗主講邑之正誼書院生徒肄業者教以熟讀經籍不專事帖括如胡安定教授湖州之法多士翕然奉爲經師

洪亮吉字穉存郡人乾隆庚戌榜眼翰林院編修出爲貴州學政書法以小篆名嘗與朱中翰基純善僑寓於其別墅盡壺觴酬唱之歡邑中孤山古塔及各寺觀其游蹟所經類多題詠臨去賦長江行留中翰家

徐牧字瞻山江西人僑居邑東門內長於畫事凡山水人物花鳥草蟲無不各臻妙境其傳眞又在嘉興顧銘吳江顧見龍之右先是宜興趙銓字仰雪者作畫於靖以能手稱及牧來自豫章出所畫示銓輒贊歎不絕口以爲望塵弗及也牧之名遂大著

何星榆原名文權字漢田崇明人幼隨父遷於邑之東鄉性慧嗜學工詩古文辭兼通醫卜星命及堪輿家言以歲貢就職訓導復於城南五里許置洲



田構茅屋家之諸子遂隸籍焉

方外

法響隋初海陵李氏子年十六出家於秦興廣福寺  
邑有虎害法響召虎至杖其脛背咒之復縱去唐  
初聞大江中孤山清靜越水結茆以居座下有二  
虎聽經一日附舟渡江舟子索其值法響以袖中  
二貓與之遂登岸須臾咆哮於帆檣下乃二虎也  
駭極急追法響回拊虎背仍爲貓納諸袖中而去  
舟子叩頭呼活佛從此釋子渡江誓不索值涅槃

後弟子造浮屠葬之名伏虎禪師塔遺像供孤山  
寺歲旱鄉人迎以祈雨輒應

徐臻大師淮安人爲江陰夏港小龍寺僧少勇敢任  
俠元末盜起馬馱沙陳某募壯士拒之得張忠父  
子爲首領俱被擒臻素德忠懷大斧入賊中乘守  
者醉臥砍殺六人斷鎖負忠從間道歸

江陰王徵君逢義僧行世降道淪喪盛事罕見之  
我歌義僧行勸取國士知僧臻生夏浦俗號徐大  
師勇敢重義氣赤膚可格麋張忠郭解流任俠不  
計資臻願出門下效死誓不移盜尋寇馬洲魚肉  
乎烝黎元戎堅營壁大姓深溝池壯哉張父子分  
率脫項兒父擒子難家不得斂屍臻聞切齒恨



恨死不同時夜即操斧刀奮身斫籬籬徑入寇營  
內斧斷張纜維手殺盜六人力挽問道歸妻孥拜  
堂下金帛謝所私上公賜巾裳欲以好爵縻幡然  
掉臂辭還山弄摩尼方今國步艱中外懼瘡痍銅  
虎盡懸綬鐵馬誰褫旗嗟爾匹夫孫足張三軍威  
何不食君祿為君靖郊壘收名魯仲連千載為等  
期天秋黃葉脫日暮元雲馳  
歌詩節鼓吹用以壯熊羆

海門字洪注楚之鍾祥人精湛內典嚴於戒律交游  
皆寒素士其言道明白洞達不墮影響聞者皆豁  
然有悟或勸之說法答曰說法者大都為名耳吾  
正欲掃斷名心何以說為邑人沈其旋倡建楞嚴  
菴以居之圓寂後塔墓其地

今釋不知何許人也順治乙酉後雲游來靖棲孤山  
寺與邑中士大夫相締交或歌或哭抑鬱不自聊  
卒葬於孤山之巔或曰此勝國之遺臣也

僧麟字宜振俗姓郭父某自崑山遷靖被盜死麟悲  
痛成痼疾胸中淹貫經史雖老儒咸為歎服歿後  
邑人蔣中和誄之

濟恒字巨渤邑人生有異慧十歲語父求為僧不果  
十七歲父為之娶妻雖同寢處而不解衣二十歲  
披剃入崇聖寺見僧眾無真修往浙之杭州廣孝



寺以嫻內典轉至湖州中峯寺習靜者三年遂得  
了義受衣鉢於具德順治六年居揚州天甯寺諸  
宰官縉紳與之結方外交著有語錄二卷  
佛齡字會昌泰興人幼業儒博涉經典年十八披剃  
於西鄉永甸菴爲開凡徒去而歷揚州諸寺院渡  
江游蘇州之虎邱東至浙江謁迦陵得傳燈眞諦  
北抵京師名公卿多與之締交南旋仍駐錫蘇州  
乾隆庚申邑人延主永甸法席著有語錄十卷其  
嗣法門人祖林等編次付梓行世

獨明字善謂俗姓盧邑人少業儒不耐塵俗祝髮爲  
僧駐錫於北門外鶴雲禪院參悟之暇或臨古帖  
數行或取琴閒彈一曲客至煮茗談詩娓娓不倦  
常與諸生林緝候劍鏢輩相酌唱卒年八十餘

耆壽

明

五品冠帶劉海九十二歲

瓊州府海南衛經歷朱大柏九十九歲

諸生陸儀一百歲



歲貢生陸允陞父某九十六歲

諸生陳熠母某氏九十七歲

劉任九十二歲

監生盛衛妻朱氏九十一歲

陳胙士妻鞠氏九十一歲

國朝

李順妻劉氏一百歲

上林苑丞陳觀瀾妻王氏九十三歲

贈公劉若金妻徐宜人九十四歲

陸羽輝妻劉氏一百歲

諸生徐正觀九十歲

諸生吳子羽九十三歲

薛會鰲九十三歲

諸生聞有志九十一歲

監生陳溥妻劉氏九十一歲

盱眙縣訓導徐震孝九十三歲

監生聞授妻劉氏九十六歲

歲貢生劉廷欽妻陳氏九十四歲



贈公劉廷正妻聞孺人九十歲

江都縣教諭徐家龍九十歲

陳一桂九十一歲

盛廷襄妻李氏九十歲

監生陸廷連九十七歲

贈公楊光輔妻朱宜人九十一歲

贈公黃紹妻徐孺人九十歲

朱君任妻王氏九十九歲

薛文燦九十七歲妻某氏九十三歲

張天信妻侯氏九十七歲

宋世元妻節婦王氏九十六歲

朱國裕九十五歲

袁順甫九十三歲

羊清源妻錢氏九十二歲

增生劉冰操妻陳氏九十一歲

何承祥九十四歲

薛永祥九十歲

錢子文母毛氏九十六歲妻曹氏九十一歲



鞠廷榮九十九歲

朱宇耀九十二歲

袁友臣九十三歲

盧加茂九十二歲

戴芝山九十一歲

王大謨九十一歲

監生宋元鑰九十一歲

諸生史經九十四歲

瞿元調妻盛氏九十三歲

監生劉之昆妻馮氏九十歲

劉必先九十二歲

花光裕九十二歲

羊鳴岡妻翟氏九十歲

周國相妻姚氏九十二歲

七品頂戴考選州吏目劉鳴義九十二歲

諸生朱建業九十七歲

監生王西熊妻嚴氏九十二歲

劉枝桐九十一歲



諸生周學瀾九十五歲妻朱氏九十四歲

韓若雨九十三歲

監生劉沛高母韓氏九十八歲

陸本榮九十八歲

劉以介九十七歲

季何氏九十歲

諸生孔廣瞻妻張氏九十三歲

鄭怡如妻陸氏九十二歲

夏某妻羊氏九十七歲

高爾升九十二歲

監生聞棟宇九十九歲

劉世芳九十歲

諸生何職揚九十歲

潘方伯妻季氏九十七歲

孔曰瑚九十歲

廩生朱煥文妻范氏九十二歲

顧陳氏九十歲

劉鶴班妻薛氏九十歲



七品頂戴劉聚山一百四歲

劉馨九十歲

八品頂戴歲貢生盛芝庭九十六歲妻

九十七

歲

贈公楊觀敏妻劉孺人九十四歲

進士鄭翊母周氏九十歲

何啟賢母季氏一百六歲

諸生朱時揚妻程氏九十五歲

八品頂戴朱應春一百歲

諸生盛燕昌妻范氏九十四歲

盧世美妻朱氏一百二歲

唐聲遠妻王氏九十七歲

姚虞際妻徐氏九十三歲

監生劉式祖妻陳氏九十一歲

諸生盛珊妻陸氏九十一歲

孫士德妻朱氏九十一歲

儒士朱鰲妻陳氏九十二歲

王廷玉妻魏氏九十四歲

清江縣志 卷之十四 耆壽



去江州志 卷十四  
繆天書妻朱氏九十歲

劉南杞妻鄭氏九十歲

陸友仁妻朱氏九十四歲

陳元傑九十二歲

監生楊琮妻劉氏九十三歲

張宏聰妻王氏九十三歲

陶士德妻趙氏九十四歲

陳長至妻王氏九十五歲

劉金節妻王氏九十五歲

諸生陸鑑妻盧氏九十九歲

八品頂戴范永曾九十四歲

諸生倪國傳九十歲

僧生劉典妻張氏九十七歲

錢加禮九十一歲

恩賜舉人方名時現年九十三歲

文庄倪會妻夏氏九十三歲

武生鄭嘉麟妻盧氏九十三歲

鮑錦賢妻陸氏九十五歲



譚宏業九十三歲

劉繼芳九十歲

蕭啟秀九十三歲

孫耀祖九十二歲

陳象賢妻九十八歲

何錦山現年九十二歲

繆正起妻侯氏現年九十五歲

庠生毛鴻我九十歲

劉宏才全妻婁氏俱九十四歲

常鶴九妻高氏現年九十歲

何孔範妻項氏現年九十歲

邵宗亮妻徐氏九十三歲

陳正千妻葉氏九十四歲

蔡士龍妻范氏九十歲

盧鳳書妻劉氏九十七歲

劉起家妻徐氏九十一歲

范永曾九十四歲

印成倉妻顧氏九十歲



嚴星九十一歲

席東保母黃氏現年一百六歲

陸文輝妻嚴氏九十歲

劉茂盛妻余氏九十歲

顧廣居九十六歲

沈鳳德九十四歲

楊天佑九十五歲

孫天林現年九十歲

陳盧氏現年九十四歲

季學海九十四歲

徐鳳書九十四歲

監生錢月輝妻孫氏九十四歲

文生展誠九十歲

唐之岡九十三歲

監生倪蔭培妻盛氏九十一歲

監生方猷妻陸氏九十四歲

監生方有懷妻顧氏九十六歲

增生毛經雅九十歲



文生毛鴻飛九十三歲

增生陳炎九十歲

劉瑞全妻杜氏現年九十歲

劉嘉幹妻沈氏現年九十一歲

恩貢生褚棻妻蕭氏九十六歲

繆松年妻祁氏九十七歲

陳位藩妻羊氏九十二歲

孫載書九十一歲

施亞甫妻張氏九十五歲

劉樹德九十歲妻朱氏九十八歲

監生劉永豐母張氏九十七歲

孫錦雲九十歲

庠生陳文謨九十一歲

臧祥達妻孫氏現年九十一歲

夏明賢妻劉氏現年九十歲

監生毛文凝妻葉氏九十四歲

葉士謨九十三歲

庠生侯之永妻盛氏九十一歲



庠生孫超妻劉氏九十四歲

監生金夢齡妻湯氏九十四歲

孫瑞章妻陳氏九十歲

監生袁紹妻汪氏現年九十歲

薄文彩妻沈氏現年九十歲

劉月山妻陳氏現年九十歲

監生方萬壟妻盛氏九十歲

劉煥章妻郝氏九十五歲

季宏耀現年九十歲妻陳氏九十一歲歿

武生朱鴻妻何氏九十三歲

孔啟宗妻韓氏九十三歲

陳天德妻陸氏九十六歲

朱承學現年九十歲

朱鳳蒼現年九十歲

徐啟承妻劉氏九十三歲

范俊妻聞氏現年九十二歲

監生朱鳴鐘妻楊氏九十歲

武生朱上珍妻陳氏現年九十一歲



文生朱景濂妻徐氏現年九十二歲

諸生黃鑲妻節婦陸氏現年九十一歲

朱宗禮妻節婦徐氏現年九十歲

趙有林妻節婦顧氏九十八歲

范廣德妻節婦陸氏九十一歲

葉三山妻節婦劉氏現年九十三歲

文生夏鳴球妻節婦吳氏九十六歲

八品頂戴熊孔嘉九十二歲

熊徐氏九十歲

監生熊

妻章氏九十三歲

候選府經歷熊光文妻陳氏九十歲

嚴照星九十八歲

陸慶山妻趙氏現年九十七歲

張龍書妻劉氏九十三歲

劉德輿妻宋氏九十五歲

右耆壽向列戶口條足徵休養生息老有所  
終之意第戶口額派地畝難征按康熙時續  
生人丁永不加賦乾隆時復停編審人丁之







